

琴譜

傳誌銘表附



07685

精  
 心  
 校  
 對  
 譜  
 目  
 常熟翁同爵謹題




光緒丁丑孟夏  
 授經堂重校刊

授經堂重刊遺集目錄

年譜一卷 行狀表傳墓誌銘遺事述九篇附

卷 文乙集八卷



續編 卷 詩集 續集二卷

東晉書 卷 詩續集十卷 鮑軒詩集八卷

詞一卷 (以上三種即詩余卷)

兩晉南北史樂府二卷 唐宋小樂府一卷

北江詩話六卷 曉讀書齋雜錄八卷

傳經表二卷 通經表二卷 六書轉注錄十卷

弟子職箋釋一卷 史目表二卷附

授經堂遺集目錄

春秋左傳詁二十卷 漢魏音四卷 比雅十卷

乾隆府廳州縣圖志五十卷 補三國疆域志二卷

東晉疆域志四卷 十六國疆域志十六卷

伊犁日記一卷 天山容詒一卷 外家紀聞一卷

以上共二百二十二卷光緒丁丑四月開雕迄己卯

閏三月工竣其未刊書集另具目錄購獲另梓

曾孫用勲校字重刊

孫增湯似瑄覆校

元孫士

同校

外元孫劉籌

授經堂未刊書目

毛詩天文考 公穀古義二卷 四史發伏十二卷 後

漢書補注 侯氏康後漢書補注續序云昔洪雅存編修嘗取水經注國志班書增益惠君棟凡數十事

兩漢同姓名錄 宋書音義 西夏國志十六卷 宋元

通鑑地理通釋 是書成於助畢氏沅成續資治通鑑時 甯國府志 懷慶府

志 延安府志 涇縣志 登封縣志 固始縣志 澄

城縣志 涪化縣志 長武縣志

以上互見年譜序錄及自序暨墓表中除郡邑志外均

未見刊本兵燹之後燬佚莫觀海內藏書家如有鈔錄

副本伏求郵示俾登棗梨用永先緒

史目表二卷 已重刊 續漢書藝文志 三國職官表 毘陵

經籍志 世本輯補 曾為秦嘉謨借刻 隋書經籍志考證 漢書

地理志考證 青埕山人詩集八卷

以上為 先大父孟慈先生著述搜羅未備待刊

禹貢地名疏證 齊雲山館文 甲乙集各四卷 詩集十二

卷 會刊於中州板已燬失 禹州志 鄆陵縣志 河內縣志 助袁氏通分纂

以上為 從祖幼懷先生著述

戰國地名備考 補梁置域志 前有刊本被燬 涪則齋駢體文三

十六篇 內多半為湯氏成彥易名借刻 詩集八卷

以上為 從祖子齡先生著述

鴉鴉館詩文稿二本係 先伯兄彥先先生著述

光緒五年四月陽湖洪用勳謹輯錄

洪北江先生遺集序

自古文章之士未有不本於經術司馬相如楊子雲皆西漢文士而相如凡將篇有功小學子雲則訓纂方言長於古訓大元之作合於卦氣是經術文章未嘗歧而二之也至范史始分儒林文苑爲二自是以後沿樸學者拾鄭孔之餘唾驚詞華者獵齊梁之浮豔經術文章歧而爲二而學問之事亦少衰矣我

朝正學昌明人文蔚起江南尤其淵藪儒林文苑代有其人乾嘉間諸先輩各樹壇坫後先相望而常州之學尤甲海內如張氏惠言之治鄭虞易劉氏逢祿之治公羊春秋皆卓然一家之言也然文章經術二者難兼開諸家之先而兼擅其勝者其洪北江先生乎先生少孤力學自爲諸生時其詩文已風行海內及居朱竹君學使幕府與邵二雲王伯申諸先生交乃更從事諸經正義及說文玉篇之學而詩文益日以進已而入玉堂直

三天奉使黔中觀山川之雄秀覽人物之瑰奇詩文益恣肆有奇氣嘉慶初先生上成邸書極言時事直聲動天

仁廟嘉其愚直遣戍才百日卽

手詔釋歸自此優游家術研精饌述所著凡二百六十餘卷詩文集外有春秋左傳詁公穀古義六書轉注錄補三國等疆域志及乾隆府廳州縣圖志諸書蓋先生於聲音

訓詁及古今地理之學尤所長也統觀先生之書洵乎經術文章兩擅其勝者矣然全書未盡刊行其已刊版者又以粵賊之亂焚燬海內承學之士以不得見先生之書爲恨先生曾孫彥哲大令議先以詩文集在鄂刊刻以衍先澤而惠來學昌黎云固宜長有人文章紹編刻其大令之謂乎余素與大令交樂觀厥成不揣僭妄書數語於簡端并望此後踵而成之其從前已刊諸種次第補刊卽從前所未刊如公穀古義比雅四史發伏之類亦蒐訪得之付諸剞劂傳播藝林則尤海內學者所引領企望者也

光緒三年歲次丁丑秋八月蘇完恩錫書於蘇州藩署之  
貞白堂



洪北江先生乾嘉間負盛名少嘗讀其卷施閣集沈博絕麗有萬殊之體而尤以志行氣節爲儒林引重劉彥和所謂英華出于性情其素所蓄積然也蓋先生少孤貧之無以自存常徒步數十里負笈從師苦無書懷餅就抄窮年不倦稍壯設塾教弟子所得館穀至微用以養生送死愈益困厄而先生傲岸無愁色處之泊如也晚歲始登上第當軸奇其才名震輦轂方嚮用以上書言事一蹶不復振遣戍伊犁冰天雪窖之中嘗手一編歌聲淵淵若出金石于經通小學于史通地理學經術詞術並登峰而造其極吳山尊序其文謂朴質若中郎遭宕若參軍肅穆若燕公信哉傳世者極夥已風行海內家有其書兵燹後舊板都燬今其後裔耕娛搜羅遺佚將次付手民乞言於余余不文何足以知先生願念與耕娛交垂廿載憶從戎汝南時耕娛亦在營次每磨盾作書申帟颯颯于言立就知善承先世之學而無替家風者不朽之業得賢子孫而益彰先生雖數奇未爲不遇也然則世之人其毋汲汲於一日之名也光緒四年固始後學吳元炳謹序

宋元通鑑地理通釋

以上六種搜羅未全未詳卷數容俟購獲續刊

目錄

孫增湯似暄重校

曾孫用勳校刊

元孫士謙同校字



重刊洪集助資襄校姓氏

侯官沈葆楨幼丹

黃岡劉維楨幹臣

合肥李瀚章筱荃

江夏魏興發鉉成

固始吳元炳子健

巴陵方大湜菊人

北平邵亨豫沐生

宜良嚴 昉湘生

獨山莫祥芝善徵

番禺葉衍蘭蘭臺

吳縣潘 蔚偉如

貴筑傅壽彤青畬

長白恩 錫竹樵

北平劉傳祺小崧

常熟翁同爵玉圃

蜀西鍾廷瑞毓棠

瑞安孫衣言勤西

江都杭宗傑秀升

歸安姚覲元彥士

吳縣潘介繁椒坡

重刊洪集助資姓氏

望江倪文蔚豹岑

金匱楊宗濂執舫

番禺張蔭桓樵野

大興沈敦蘭彥徵

順德黎兆棠召民

涇縣吳善寶定生

錢塘許庚身星叔

江陰沈保靖仲薇

南皮張之洞香濤

丹徒張福鎮小秋

合肥蒯德標蔗農

無錫張鴻祿叔和

歙縣程桓生尙齋

元和馬 銘子遜

望江何維鍵芷茹

中州薛書堂世香

長沙柳正笏搢挺

醴陵易光蓮清連

富順郭作霖雨臣

錢塘諸可寶遲菊

巴縣傅文炳煥章

定遠方濬頤子箴

同里盛 康旭人

余光倬幼冰

劉翊宸雲樵

惲彥琦星農

費學曾幼庭

惲祖翼松菑

劉 壘貽楨

吳寶森子權

劉曾撰詠如

李 幹星甫

惲鴻儀伯方

史致馴佳若

王開福小坪

徐峻厚洛聲

瞿廷韶廣甫

伍佩欽春階

陸佑勤彥順

史恩綿仲屏

管貽葵向庭

徐士彥伯聞

楊壽昌葆初

張晉德善之

洪北江先生年譜

門人旌德呂培等同編次

先生姓洪氏諱亮吉字君直一字稚存號北江晚號更生行一江蘇常州府陽湖縣左廂花橋里人先世本居歙縣洪坑系出唐宣歙觀察使經綸始避唐敬宗諱改宏氏爲洪氏三十六世至先生高祖千運府君諱德健國子監生封中憲大夫娶程恭人生子二長爲先生曾祖秋山府君諱璟康熙戊寅拔貢生山西大同知府崇祀交城大同名宦祠娶汪恭人歙國子監生世昌女繼娶徐恭人歙處士成教女生子十一次爲先生祖封旅府君諱公棠國子監生考授直隸州同知馳贈承德郎

年譜

贅於常州趙氏遂遷居焉娶趙安人武進戶部尚書諡恭毅申喬孫女翰林院侍讀熊詔女生子五次爲先生父午峰府君諱翹國子監生累贈奉直大夫娶蔣太宜人武進歲貢生封奉政大夫金聲孫女雲南嶧峨知縣敦淳女生先生兄弟二人

乾隆十一年丙寅先生一歲以九月初三日子時生於常州中河橋東南興隆里賃宅中宅後有積水池先生生於池南西舍

十二年丁卯先生二歲

十三年戊辰先生三歲

十四年己巳先生四歲午峰府君命先生伯姊課之識字

先生每字必詢其義日晚皆爲蔣太宜人述之是年凡  
識七八百字

十五年庚午先生五歲在家塾從季父希李先生受禮記  
大學中庸兩篇正月八日仲弟靄吉生

按先生從父四人長諱翰字翮飛行一國子監生未  
婚卒次卽午峰府君次諱翔字雲上行三次諱翱字  
君佐行四國子監生贈修職郎次諱翱字希李行六  
先生仲弟字赤存行二

十六年辛未先生六歲在家塾受論語七月二十日午峰  
府君客鎮洋縣署得疾歸未至家五十里以廿四日申  
時卒於洛社舟次越日殯於城東天甯寺華房先生隨

八年譜

蔣太宜人暨三姊一弟守殯宮凡五十日始歸

十七年壬申先生七歲以午峰府君卒貧無所依隨蔣太  
宜人及姊弟寄居外家外王母龔太孺人之意也時外  
家亦窘蔣太宜人率諸女勤女工自給并儲修脯俾先  
生就外家塾受經率夜四鼓方就寢事詳機聲燈影圖  
記及南樓憶舊詩是歲塾師爲莊覲五先生城西坂上  
鄉人同學則其子駢剛表兄肇新廷耀馨凡四人讀論

語畢

十八年癸酉先生八歲在外家塾從惲牧菴先生銘受孟  
子惲先生武進縣學附生憫先生幼孤而慧常分館餐  
食之後其孫與三以乾隆甲午科舉順天鄉試爲先生

同歲生惲先生猶及見之

十九年甲戌先生九歲在外家塾從黃敬菴先生朝俊受孟子及毛詩國風黃先生武進縣學增生課讀極嚴是秋先生適楊氏從母亦以嫠居貧苦無依率二女僦從兄啟宸後樓以居與外家相近移舍日值先生讀孟子既醉以酒一章解塾詣其處龔太孺人及蔣太宜人適在坐因舉宜其室家句命之屬對卽應聲曰飽乎仁義龔太孺人極賞之自此益鍾愛焉是歲表弟定熙亦入塾與先生年相若後卒於叔素園先生官舍先生有詩哭之

年譜

三

按先生舅氏三人長名樹誠字實君國子監生贈登仕郎次名琦字素園乾隆甲子舉人江西德興知縣皆蔣太宜人兄次名蘅字曙齋乾隆壬午科副榜貢生賜檢討銜出嗣世父淮安教授文元後爲蔣太宜人弟事皆詳先生所撰外家記聞一卷處士肇新少府廷耀上舍馨處士定熙奎耀皆實君先生子蔣太宜人之姪先生之配蔣宜人兄弟也

二十年乙亥先生十歲在外家塾從黃先生受毛詩畢

二十一年丙子先生十一歲蔣太宜人率先生歸興隆里舊宅從旁舍塾師受尙書同學生徒十餘人不能徧課每篇音訓譌者恆至十數日夕歸蔣太宜人令之背誦必爲泣而正焉如濟河惟兗州兗讀作袞之類九月八

日叔父君佐先生卒於廣西百色廳寓舍無子以仲弟爲之後十二月伯姊適城北前橋村芮處士光照

二十二年丁丑先生十二歲從周線里岳介錫先生受禮記是冬舅氏素園先生以國史館謄錄議敘選授江西德興知縣迎養冀太孺人於官舍自此蔣太宜人益貧苦無所依

二十三年戊寅先生十三歲仍就外家從表兄肇新受禮記及周易塾課畢先生始學作詩嘗作中秋卽景詩有月出百尺樓花香三重門之句不敢示人惟以示表弟定熙冬十月舅氏實君先生卒於德興官舍表兄肇新奔喪西上因從陳稚賓先生寶讀書先是丙子科陳先生赴江甯鄉試舟覆於江午峰府君往館世執漳浦蔡太守觀瀾江甯官署塗次遇之急募舟以拯并助館金一笏爲試費陳後以己卯舉於鄉與先生亦中表兄弟也課徒之暇喜錄唐宋詩餘于是先生亦學作小令并与表兄馨日課漢魏六朝三唐詩成誦乃已是月仲姊適同里汪上舍德渭

二十四年己卯先生十四歲在鹿苑菴從董獻策先生舒傳受春秋左傳并學作制舉文半篇董先生常州府學附生同學十數人惟與楊布衣毓舒交最密暇卽唱酬往還是歲作詩數十篇及斥釋氏文一首

二十五年庚辰先生十五歲在西廟溝謝氏塾從唐麟臣

先生爲垣受左傳及史記漢書雜文唐先生武進縣學  
附生工詩三月上已先生始作制舉文全篇題爲則以  
學文十句文成後唐先生極賞之同學爲謝孝廉榕上  
舍振祺等四人孝廉與先生極契後中乾隆戊申科順  
天榜舉人是歲先生有附塾驅兒諸詩及送表弟定熙  
至江西官署詩集中始有存稿

二十六年辛巳先生十六歲從茭浦里繆映藜先生謙受  
唐宋雜文及制舉義繆先生江陰縣學廩生同學爲陸  
上舍焜布衣文在張布衣先甲兄弟凡十餘人三月初  
應童子試不售

二十七年壬午先生十七歲在百花樓巷莊氏塾從金壇

八年譜

五

荆廷緯先生汝翼受公羊穀梁及制舉義荆先生金壇  
縣學廩生先生從表姊子長於先生八歲舉業最工因  
是始識作文法荆先生後以是科副榜貢生中順天癸  
卯舉人已酉進士官華亭教諭卒是歲同學爲莊上舍  
逮兄弟二人始學作古文有祭花神文及園居南樓夜  
宿初生十五六等詩初與唐上舍鵬訂交間有唱和焉  
二十八年癸未先生十八歲在城北四十里郵村鄒翁元  
士家塾仍從唐麟臣先生習制舉義同學爲鄒福梅廷  
梅金川三人鄒翁極重先生欲以女妻之知有所聘乃  
止五月解館歸卽染時疾復延及全家蔣太宜人病瀕  
危者數次大母趙安人大父封旅府君卽於是月相繼

卒先生承重居廬至匝月後病稍瘳八月初復赴鄒氏塾是秋舅氏素園先生罷官奉龔太孺人旋里先生解塾卽從蔣太宜人仍居外家與表兄馨從表兄定安尤契倡酬談讌每徹晨夕郭北篇中井鄉歌諸詩皆是年作也

二十九年甲申先生十九歲從北後街余芑貽先生豐受唐宋古文及制舉義余先生常州府學附生奇賞先生有異才之目每課文日先生常兼作數篇或一題卽製其二其三午餘諸同學方構思未就輒已交卷時蒙擊節嘆賞歲暮解塾獨爲詩送先生次卽賞楊生清輪後楊成乾隆甲辰進士里中皆謂余先生有知人之鑒焉

年譜

六

是歲同學爲余先生子明經形及楊章泰畢諸生共十餘人有雲谿春詞獨酌謠諸詩始學爲駢體文

三十年乙酉先生二十歲在外家團瓢書屋授表弟兆响

經

素園先生子

歲得脩脯錢二千八百暇卽從舅氏曙齋先

生問業時表兄馨從表兄定安皆授徒於家三人昕夕往還無間有春園唱和集又與里中諸名士結社訂交始廣有題阿房宮圖諸詩填詞四十餘首

三十一年丙戌先生二十一歲仍在外家授徒從學則表

弟兆响從表弟榮

從舅氏秀君子

衡章

族舅氏濟川子

三人歲入脩脯

錢七千正月二十五日叔父雲上先生卒六月應童子試不售是歲詩社以洗研池賦檳榔行雲谿竹枝詞命



題先生試列第一又在楊氏騰光館會課凡四十人皆里中名宿先生年最少從舅氏榕盒先生閱其文奇賞之亦列爲第一此後先生常詣舍南竹屋問字至辛卯秋客皖江乃已又賦中秋減字木蘭花詞十首同輩傳鈔殆徧劉文學宸贈詩云才子清眠起夜分新詞字字鏤香雲何當共握琉璃管寫盡羊欣白練裙是歲詩詞約及百首

按雲上先生四子長開吉字元愷爲先生從兄次顯吉字尙儀次亘吉字禹平次良吉字元良皆先生從弟蔣榕盒先生名和甯乾隆壬申進士由翰林院編修改官湖廣道監察御史

年譜

七

三十二年丁亥先生二十二歲適汪氏仲姊以先生制義不進因與蔣太宜人謀復令先生在張王廟西潘氏塾從時月圃先生元福受作文法束脩二十千皆仲姊獨任之時先生乾隆壬申舉人中甲戌明通榜工帖括同學則潘上舍尙基方上舍起莘青陽陳上舍蔚江陰陳秀才宏器諸人尙基之叔振煥亦舊識也六月應童子試不售七月諸同學就江甯鄉試先生又傲鹿苑菴後雲依閣讀書每夜輒至三鼓僧徒厭之託言有賃宅者遷先生入菴旁土室中上漏下濕居之晏然冬十月外王母龔太孺人病劇先生自塾中歸侍疾衣不解帶者旬日及卒慟哭嘔血七七竟始奉蔣太宜人歸興隆里

舊宅是歲有南樓贈書圖記訪從叔縣尉至昆山紀游  
哭外王母諸雜體詩

三十三年戊子先生二十三歲在仲姊宅授汪甥楷經汪  
氏居天井里室宇深邃宅中所延經師則同里段布衣  
聖烈李布衣瑞寬與先生爲三其羣從皆好賓客每有  
文讌三人者恆首坐焉九月十六日蔣宜人來歸先生  
贅於外家凡三日始同歸興隆里舊宅宜人蔣太宜人  
兄實君先生女也婚甫五日卽赴弔邵先生齊燾於常  
熟邵先生乾隆壬戌翰林主常州龍城書院奇賞先生  
與黃君景仁是歲有催粧詞哭邵先生及游虞山詩又  
有寓興詩二十首及東鄰棄婦等詩寓興詩後卽失去

八年譜

八

三十四年己丑先生二十四歲仍館汪氏正月叔姊適同  
里史君德孚五月應童子試補陽湖縣學附生七月與  
諸同人訪城西徐墅陳刺史明善於亦園與無錫邵秀  
才辰煥江陰屠進士紳同里劉文學駿中表莊上舍寶  
書趙上舍懷玉唱和詩極多是月長女傳簫生未幾殤  
有贈趙表弟七言長歌

按先生少孤午峰府君未及命名初名蓮字華峰是  
年以縣試第二府試第三院試第八補縣學生督學  
則副都御史滿洲景福也後以壬辰年改名禮吉辛  
丑年就試禮部以嫌名當有所避復改今名莊爲先  
生從母之子後官聊城縣丞趙爲先生祖母兄兩浙

鹽驛道侗教之孫後以庚子

召試舉人官內閣

中書青州府同知

三十五年庚寅先生二十五歲仍館汪氏從學者甥楷及汪生植等三人七月偕黃君景仁附瓜船至江甯鄉試九月榜發薦而不售有游京口三山及江甯雜詩是秋識錢唐袁大令枚於江甯大令謂先生詩有奇氣逢人輒誦之始與里中董太守思駟左刺史輔訂交

三十六年辛卯先生二十六歲仍館汪氏從學者汪董諸生等四人五月偕趙表弟懷玉赴江陰同寓趙孝廉敬業寓齋科試一等四名補增廣生七月十日次女傳綬生越歲春卽痘殤借楊秀才繼曾炳文劉上舍培基赴

年譜

九

江甯鄉試同寓秦淮河房九月榜發不售十一月先生以館穀不足養親買舟至安徽太平府謁朱學使筠時學使尙未抵任沈太守業富素重先生留入府署未匝月適安徽道俞君成欲延書記太守以先生應聘已至蕪湖有留上朱學使書學使得之甚喜以爲文似漢魏卽專使相延入幕以臘月八日復抵太平黃君景仁已先在署學使作書徧致同朝謂甫到江南卽得洪黃二生其才如龍泉太阿皆萬人敵云是年秋在江甯與汪明經中顧進士九苞訂交及入學使署又與邵進士晉涵高孝廉文照王孝廉念孫章孝廉學誠吳秀才蘭庭交最密由是識解益進始從事諸經正義及說文玉篇

每夕至三鼓方就寢是年所作詩文逾百篇

二十七年壬辰先生二十七歲在安徽學使署隨憲徽州甯國池州安慶廬州鳳陽七府六安一州徧游采石青山敬亭黃山齊雲齊山諸名勝六月以歸省旋里七月仍赴太平十一月以兩世六棺未舉歸奉先生祖父母及午峰府君叔父雲上君佐兩先生叔母趙孺人櫛葬於城北前橋村新塋是冬以所負多訪蔣編修士銓汪孝廉端光於揚州編修解橐金助之乃得歸已迫除夜矣是歲作文二十餘篇詩二百餘首

三十八年癸巳先生二十八歲時四庫館始開江浙搜采遺書安徽省設局太平聘先生總司其事沈太守業富

年譜

十

并延兼管書記閏三月十六日長子飴孫生七月朱學使以閱卷乏人復延先生偕試徽甯二府九月自徽州偕汪孝廉端光歸里由新安江徧遊嚴陵富春及錢唐山水諸勝唱和幾及百首十月先生以不能家食往謁胡按察季堂於蘇州因訪趙表弟懷玉於穹窿同游東西兩洞庭入林屋洞探金庭玉柱之勝宿包山寺二夕記游詩約十餘首月杪復歸時錢文敏公維城居憂在里見先生詩文奇之徒步過訪焉是冬移居白馬三司徒里賃宅十二月聞朱學使離任入都因附江陰繆君

晉階赴廣西便舸至太平送之

繆君爲先生舅氏素園先生嘗時選來賓縣界

脾司巡檢

挈家赴任貧不能歸沈太守業富袁大令枚皆薄助行

資於歲除日騎驢抵里有感族人饋薪炭詩作兩晉南  
北史樂府二卷

三十九年甲午先生二十九歲正月赴江陰補壬辰年歲

試先是錢文敏公會語學使彭閣學元瑞謂先生爲昌

黎復生由是閣學亦久知先生十三日補試準附一等

三名後又次蔣編修士銓元韻贈先生七古一篇薦入

常鎮通道袁君鑒署授徒歲修百二十金并令在揚州

安定書院肄業膏火費亦及百金自此將母稍裕七月

偕黃君景仁赴江甯鄉試同寓明徐氏東園舊址是科

闈中得文及五策已定作元房師賈先生景諡

乾隆丁丑進士官蘇州總捕同知以首藝有別解與兩主司力爭因定作副榜

年譜

十一

第一焉座師則翰林院侍讀學士今文華殿大學士董

公誥司經局洗馬今兵部尚書劉公權之也榜發座師

及學使皆惋嘆不置十月復詣揚州冬杪始歸偕汪孝

廉端光唱和詩極多是歲始與孫君星衍訂交同里則

孫黃趙諸君外復偕楊君倫呂君星垣徐君書受唱酬

無間里中號爲七子

四十年乙未先生三十歲彭閣學薦入江甯陶太守易署

中修校李鐔尙史匝月事竣太守亦重先生因延課其

孫兼管書記四月以太守俸滿入都因歸省親七月復

至江甯九月太守擢惠潮嘉兵備道先生以親老不能

遠游因就句容林大令光照聘課其婿漳浦鄭秀才聯

華時孫君星衍尊人孝廉勳官句容教諭而訓導全椒  
朱君沛縣丞錢唐汪君蒼霖皆工詩愛客縣中紳士王  
廣文吉士兄弟沈公子衣言亦慕與先生交凡客句容  
三月文謙殆無虛日又徧游茅山棲霞紀游詩約數十  
篇臘杪始歸里門十二月十日次子盼孫生

四十一年丙申先生三十一歲正月仍至句容縣署二月  
歸里旋至揚州及江甯訪友三月復往句容校縣試文  
四月以林大令罷任歸里時浙江學使王公杰欲延先  
生校文七月往謁學使於紹興值其扃試例不當通刺  
資斧幾至乏絕及試畢往謁學使一見先生如舊相識  
遂偕往試台州處州二府中途厯天台雁蕩諸勝皆有

年譜

三

詩紀事十月二十六日蔣太宜人在里猝得中風疾卒  
春秋六十有三仲弟以先生在千里外恐得訃後驚悼  
有他變卽作札言太宜人病狀屬姊壻史君德孚持至  
處州并促偕歸到日亦值扃試留書而返先生於試畢  
得書星夜遄返十一月十四日晡時舟至戚墅堰距常  
州三十里疾步至城有僕窺園父仇三爲營卒途遇之  
問家中狀仇以實告先生驟聞哀耗五內昏迷方度八  
字橋忽失足墮水兩岸陡削人不及救隨流至滕公橋  
有汲者見髮颺水上攬之得人試心口尙微温始呼衆  
集救問里中識者共昇至家救者不知先生疑爲避債  
赴水及審狀則皆曰孝子孝子悲嘆而散天嚴寒衣履

冰濕鄰人蔣松圓釋先生衣自解衣衣之舉家號哭呼  
救久之方蘇搶呼痛哭幾不欲生水漿不入口者五日  
諸姊以大義責先生始稍進米飲七七內僅啜糲粥席  
藁枕由晝夜號哭終喪不進肉食不入內室所服皆白  
衣冠不御緇布自以未及侍蔣太宜人含歛哀感終身  
嗣後每遇忌日輒終日不食客中途次不變三十年如  
一日是歲在苦次撰次蔣太宜人行述

四十二年丁酉先生三十二歲居憂在里授徒從學者汪  
甥楷劉生登禾孫生星衡瑀及張楊諸生凡七人長子  
飴孫時已五歲亦日課以爾雅十數行十一月座師劉  
公權之視學安徽遣人相延先生亦以營葬乏資遂於

年譜

十三

長至前由陸程赴太平并約孫君星衍偕行劉公相待  
有加以先生衣縞素不肯更易因約值節日朔望皆聽  
獨處專遣人司飲食在學署一載率以爲常又因先生  
譽孫君學行因并款畱以助衡校自是先生與孫君助  
學使校文外共爲三禮訓詁之學畱太平度歲

四十三年戊戌先生三十三歲在安徽學使署二月隨試  
太平徽州甯國池州四府五月中始返太平偕孫君至  
句容學署度夏七月復同詣太平隨試江北諸州府十  
一月在滁州因葬事先歸以十一月廿六日耐葬蔣太  
宜人於午峰府君墓知友在百里以內者咸來會葬如  
高郵金君蘭無錫楊君芳燦兄弟及同里孫君等皆館

於白馬三司徒里賃宅旬日方去先生在冢次三日夜  
負土成墳始歸歲暮以負債多借孫君至句容聞座師  
劉公遭母憂復親詣太平弔唁至除夕前仍回句容

四十四年乙亥先生三十四歲仲弟以少孤失學假仲姊  
資學爲賈累歲虧折資本至無以償時先生服闋歸里  
決計攜弟北上別謀進取又以無行資袁觀察鑒薦入

常州黃太守澤定署閱府試文薄有所贈方得成行過

揚州汪孝廉端光復助以行資始舍舟從陸道遇漢軍

繆秀才公儼今各聯車北行五月初二日抵都居黃君

景仁寓齋時四庫館甫開離校事繁座師董公誥爲總

裁官屬總校江甯孫舍人溶延先生至打磨廠寓齋總

年譜

十四

司其事歲脩二百金仲弟亦送入方略館効力先生節  
齋所入半給仲弟館費以半寄歸爲衣食之資迎養叔  
母余孺人季父希李先生於家用度益窘每遇訪友或  
假書十里五里無不步行八月應順天鄉試不售時翁  
學士方綱蔣編修士銓程吏部晉芳周編修厚轅吳編  
修錫麒張舍人垣共結詩社首邀先生及黃君入會每  
一篇出人爭傳之是以先生遇雖甚困而友朋之樂以  
此二年爲最九月朔日女紉孫生是年得駢體文四十  
首詩詞約二百篇

四十五年庚子先生三十五歲在孫舍人寓校書仲弟以  
思家得咯血疾新歲益甚先生質衣具資遣人送歸時



甫近上元以無衣不克出門託疾斷慶弔絕過從者凡兩月時方

南巡諸臣例獻賦頌先生爲山陰梁尙書國治製頌十八章首邀

睿賞于是都下求屬稿者甚衆先生亦精力絕人日爲孫舍人校官書入巨冊類有攷證數十條夜則製進呈冊頁一通每至三鼓方休是年恭遇

萬壽頌述之文益多自二月至七月所製凡五六十篇得酬金四百兩時前橋新塋前地一畝欲爲豪家估買先生得家問卽以所得金之半寄歸先與立券豪家遂不能奪仲弟病痊後復假貸北來先生爲盡償宿逋并取還前

年譜

五

典質之物類皆賣文錢也八月應順天鄉試出闈卽爲四川查按察禮聘掌書記入蜀歲修四百金先生以屢困場屋不復有進取心九月朔遂辭孫舍人暫寓蓮花寺待查公同行適其方擢四川布政使未卽就道初七日揭曉中式第五十七名舉人孫舍人同獲雋查公遂力止先生無行于是復遷寓舍人宅是科座師爲協辦大學士漳浦蔡文恭公新刑部左侍郎無錫杜公玉林內閣學士滿洲嵩貴公房師爲掌貴州道監察御史清苑李公孔陽李公闕薦首場卽得疾二場屬吳江丁郎中雲錦代閱三場屬嘉定曹中允仁虎代閱座師以制藝皆散體已定作副榜第一矣忽中允得五策以爲顧

亭林復生蔡文恭公取闕亦深賞之遂移入前列以五策進  
呈揭曉後未一月房師卽以疾逝先生與同門生視含歛并稱貸而厚賻之是歲與黃君及欽州馮編修敏昌順德張解元錦芳唱和及詩社所作共得詩百餘篇雜文數十篇著三國疆域志二卷

四十六年辛丑先生三十六歲在孫舍人寓校書

時移寓賈家胡

同三月應禮部試本房山陰王編修增閱卷呈薦闈中已定作江南第二本矣固始吳副憲玉綸爲副總裁旋以軍機中書汪君學金卷易之先是孫君星衍已入關并札言陝西巡撫畢公沅欽慕之意先生遂決意游秦四月十六日偕崔同年景儀西行

崔方至四川定省

時征逆回

年譜

十一

京兵入陝道出山西因迂道由館陶臨清至河洛抵開封而資斧已竭適舊友楊司務仁基同年管戶部世銘皆在開封共假資以行五月望後抵西安寓開元寺一宿畢公聞先生來倒屣以迎翊日遂延入節署時幕中爲長洲吳舍人泰來江甯嚴侍讀長明嘉定錢州判站及孫君與先生凡五人陝西尙有回警日偕畢公籌兵畫餉暇卽分韻賦詩常至丙夜間游牛頭香積諸寺尋曲江及漢唐古跡又代莊州判所修延安府志歲杪方竣是月二十五日適汪氏仲姊以疾卒先生聞訃哭之慟仲弟以尙未議敘留都每月揭資寄之是年道中懷古紀游及唱和詩共得二百首雜文數十篇

四十七年壬寅先生三十七歲在西安節署三月偕同人

至牛頭寺看桃花抵終南山麓始返四月黃君景仁以

將赴選謀資入秦寓開元寺者三月間旬必偕孫君出

訪之或同游名勝竟日而還六月至朝邑訪莊大令忻

回塗過潼關赴陸司馬維垣之約

時陸署同州知府其子戶部鍾爲先生庚

年子同畱二日卽順道游華山宿玉泉院質明坐竹兜行

二十里至青柯坪久憩

自此以上皆當步行

遂自千尺幢直上小

駐媪神洞飲泉由仙人窠日月崖蒼龍嶺至三天門塗

皆危絕攀鉄索穿石脇方得上先生步行若飛餘人不

能及也從天門東折詣玉女峯坐洗頭盆側蒼榻滿崖

夕陽飲下天風冷泠渺非人境復上謁金天宮宮在落

年譜

七

雁峯下距峯頂尙五里道士供果餌畢因至後山松檜

亭視新月亭址卽秦昭王與天神博處時七月哉生魄

日也薄暝仍回金天宮蔬食後出屋視星斗皆大於瓜

皎潔異常倦宿東軒徹夜有聲不絕蓋呼吸可通帝坐

矣四鼓招道童秉炬上落雁峯視日出峯頂僅十餘步

左爲華池右則鐵屋一間祀老子時夜尙昏黑忽閃電

自隔河來八百里中條山畢見久之海日始上霞光萬

千較黃山仙掌峯所見又不同矣蹲久下嶺天尙昏黑

無所見復秉炬西至蓮花峯視巨靈擘山處又南折至

環翠巖望山南諸峯并訪陳希夷習靜石屋徑從原路

下山未刻至玉泉院華陰知縣來訪足力已竭幾不能

具禮兩日後始復舊以初八日返節署九月舊友湯大令大奎以輸餉至甘肅過陝相訪并出彘研瑣談屬爲點定是歲凡得詩百餘首文二十餘篇著漢魏音四卷撰淳化長武二縣志

四十八年癸卯先生三十八歲在西安節署三月莊公子

達吉約游鄜縣

尊人析方署縣事

因同由興平抵馬嵬驛夜宿

各有題壁詩畱鄜縣五日登太白山從新開路至上池一勺久懋別日復上五丈原望陳倉岐山回塗過盩厔徧訪仙游樓觀諸勝時太倉王上舍開沃主講盩厔因畱宿書院中二日由鄜縣歸西安五月得黃君景仁安邑臨終遺札以身後事相屬先生由西安假驛騎四晝

年譜

六

夜馳七百里抵安邑哭之于蕭寺中爲措資送其柩歸里時季父希李先生畱滯漢口約先生同歸先生遂自蒲州渡河由襄陽至漢陽而季父已先行座師杜公方翰獄武昌喜先生至邀畱旬日陪遊黃鶴樓西塞山及隔江大別梅子諸山至七月望夜方行八月朔日抵里門因爲黃君營墓先是畢公知所居賃宅逼隘因贈資爲購宅卽今花橋北居第也以十月初三日移居焉十二月偕陸同年壽昌趙表弟懷玉計偕北上復迂道至句容江甯乃克成行時將

南巡車馬皆乏僱小車前行除夕住拈花集度歲是歲紀游詩

百餘首澄城縣志二十卷

四十九年甲辰先生三十九歲正月十八日抵都門二月

偕江陰繆孝廉汝和寓泡子河觀音寺

時已締兒女姻其第四子先生

也三月應禮部會試試畢偕同人游西山榜發薦而不

售本房編修祥慶公閱卷最遲至四月四日方以三塲  
並薦總裁蔡文恭公及紀公昀奇賞之紀公尤擊節五  
策必欲置第一時內監試豐潤鄭侍御激以得卷遲疑  
之欲移置四十名外紀公堅執不允因相與忿詈不可  
解總裁胡公高望調停其事遂置不錄紀公於卷末賦  
惜春詞寄意出關卽先詣寓齋相訪焉先生以四月出  
都由山西赴陝道中爲田家詩寓意以資斧告匱迂道  
訪沈運使業富于運城五月半抵潼關聞畢公祈雨太  
白山因至盩厔仙遊寺相見翊日同游樓觀半道聞甘  
肅回警畢公卽回西安調撥兵餉先生以病暑畱盩厔  
縣署旬日方返西安莊公子遠吉繪元都訪古圖有百  
韻詩紀事是月十九日第三子符孫生時西安修濬城  
隍未竟而西事頗急畢公屬先生及孫君時假出游爲  
名規畫其事六月程編修晉芳乞假來陝抵署卽病不  
起畢公與先生等日爲營畫醫藥及沒皆躬視含斂是  
歲著公羊穀梁古義二卷詩文合百餘首

五十年乙巳先生四十歲在西安節署正月畢公入

觀并摩唐開成石經進

呈擬薦先生孫君及吳縣江布衣聲

國朝三體石經卽在西安刻石以進爲當軸者所阻而止二月偕嚴侍讀長明游紫閣白閣圭峯草堂寺由瀆水橋巡第五橋諸舊蹟時畢公調撫河南趣先生至開封遂於月杪由陝入汴至則豫省方積旱又河工事填委不復有關中唱酬之樂矣五月十一日季父希李先生卒十一月自豫南回枉道至固始謝大令聘署齋盤桓旬日方還里門仲弟以議敘從九品需次省先生於開封先生致書曹州守太谷吳君史氏署俾就近食力焉後以與錢大令維喬蔣太守熊昌諸人爲銷寒小集是歲得紀游詩百首修固始縣志

年譜

辛

按希李先生二子長名原吉字思周次名炳吉皆先生從弟

五十一年丙午先生四十一歲在里中二月偕錢大令維喬等買舟至浙江省從舅氏榕盒先生時舅氏曙齋先生父子楊孝廉夢符孫振學吳祖健蔣承曾陸繼曾四上舍並以事至杭崔浣青恭人暨公子景侃亦往所連舫十數徧游錫山虎溪復至元墓靈巘流連篇什繼以清歌極琴尊游覽之樂抵錢塘日卽居蔣表弟重耀寓齋榕盒先問日游龍井天竺靈隱淨慈諸名勝與邵編修晉涵楊孝廉蔣上舍崔公子吟咏常至徹夜畱月餘復歸里中三月重赴開封節署八月登封陸大令繼

萁延修縣志并約爲嵩山之游以十月由鄭州密縣抵  
登封陟太室少室訪嵩陽書院暨啟母石手搨三石闕  
銘信宿少林寺乃回甫抵開封聞榕盒先生之訃哭之  
慟是歲南北紀游詩約百五十首著東晉十六國疆域  
志修登封縣志爲友人改纂懷慶府志

五十二年丁未先生四十二歲正月偕孫君星衍計偕北  
上入都寓繩匠胡同三月應禮部會試榜發不售以五  
月初抵里時競渡方盛與莊表兄寶書陳大令賓陸廣  
文壽昌日爲泛舟之游五月構卷施閣于宅西稍有樹  
石及小池日偃仰其中畢公屢書促行十一月偕莊舍  
人復旦重赴開封節署是歲得詩二百首撰乾隆府廳

州縣圖志

年譜

五十三年戊申先生四十三歲在開封節署賦寒食紀游  
詩四十首和者數十人八月畢公擢督兩湖先生偕行  
以九月五日抵武昌節署時楊進士倫亦主講于此時  
與出游晴川黃鶴諸勝唱和甚多歲暮畢公甫自荊州  
堤工回署汪明經中毛州判大瀛方上舍正澍章進士  
學誠亦先後抵署談燕之雅不減關中

五十四年己酉先生四十四歲正月二日計偕北行毛州  
判大瀛餞先生於江北三山徑梅已半開矣由漢陽北  
上元夕後抵開封居同年徐大令書受寓齋數日渡河  
至武陟訪王大令復不遇因獨游濟源謁濟瀆廟至盤

谷欲往王屋山不果二月抵都居孫君星衍琉璃廠寓齋三月應禮部會試榜發不售五月八日抵里七月之杭州訪友畱旬餘乃歸八月仲弟選授崇文門副使時同年李太守延敬官常州延修府志并選唐百家詩以九月進署十二月返舍與錢大令維喬莊公子達吉爲消寒小集是歲得詩六十餘首

五十五年庚戌先生四十五歲正月元夕趁山東使船計偕入都至王家營以船行甚遲復由陸取道泰安登泰山至高老橋日已逼暮欲逕上同伴不可乃還以二月杪抵都居仲弟海岱門三條胡同寓齋三月應禮部會試四月初九日榜發獲雋座師爲東閣大學士王文端

年譜

五

公杰吏部侍郎後官體仁閣大學士朱文正公珪工部侍郎鄒公奕孝房師爲刑部員外郎後官安襄郎道王公奉會也先是朱文正公雖未識面然知先生名已久入闈後欲暗中摸索得先生作第一人及得李君麇芸卷有駭策問數條以爲先生擬第一復得朱君文翰卷用古文奇字又以爲先生遂置李君卷第六而以朱君冠多士及拆號而先生名在第二十六乃相與嘆息以爲名次亦有定數云 殿試先生卷條對詳明讀卷大

臣進呈第一

欽定第一甲第二名五月初一日引

見授職翰林院編修七月派充 國史館纂修官是秋先生與



仲弟移寓三里河清化寺街饒有竹木之勝查給事瑩  
舊宅也歲除先生以逋負多避債至城東數日除夕抵  
暮乃歸是歲偕同年張太史問陶唱酬甚多所得詩文  
數十首

五十六年辛亥先生四十六歲在京供職正月十六日長  
子館孫娶婦汪氏仲姊季女也四月蔣宜人率眷屬由  
水路抵都十月石經館開派克收掌及詳覆官時至國  
子監監視刻石以蔣衡所書十三經字多譌俗有上石  
經館總裁書欲一一更正不能從也是歲偕法學士武  
善劉檢討錫五伊刑部秉綬何工部道生王孝廉芑孫  
唱酬甚多

年譜

五

五十七年壬子先生四十七歲在京供職三月考差引

見蒙

記名八月克順天鄉試同考官十四日又在闈中奉視學貴州  
之

命向例未散館翰林無爲學政者有之自先生及同年石修撰  
韞玉始蓋異數也九月榜發得士董履坦等十三人副  
榜希齡等二人卽日至海淀

御園謝

恩兼請

聖訓卽蒙

召見

垂詢鄉貫科第甚悉并

命速赴新任先生退卽束裝十六日次子盼孫殤二十四日挈家上道十月半抵樊城眷屬暨賓友由水程進發先生馳驛先行十一月十三日抵貴陽巡撫嘉興馮公光熊等皆出郭相迓十五日接印任事卽緘題觀風十三府一廳所屬生童以衙署逼窄捐貲構署後樓閣卽今聽事西紅香館聽雨篷曉讀書齋千葉蓮臺等是也十二月初三日眷屬抵署從子繩孫悼孫史甥超宗並隨署讀書延表姪蔣上舍維垣教之從弟顯吉原吉再從姪建禾蔣表弟曜西汪甥楷屠甥景儀及桂陽李秀才萬坤先後至署佐理閱文及幕中雜事是歲得詩七十餘

首

年譜

三

五十八年癸丑先生四十八歲在貴州任二月出巡上游歲試安順南籠大定遵義四府五月回署六月歲試貴陽府八月出巡下游歲試平越思南石阡鎮遠思州銅仁六府十一月回署先生每課士皆終日坐堂皇評隲試卷積弊悉除又愿試諸府皆拔其尤者送入貴陽書院肄業一歲捐廉俸數百金助諸生膏火又購經史足本及文選通典諸書俾資誦誦其在省日每月必自課之令高等諸生進署講貫詩文媿媿不倦欸以飲饌獎之銀兩由是黔中人士皆知勵學好古甲寅乙卯兩科書院諸生中式者至五十餘人內如胡吏部萬清花給

諫杰黃大令鶴何編修應杰張工部本枝邱編修煌翟  
編修錦觀徐進士時英蘇大令廷棻焦進士承煒劉進  
士煜兄弟賀進士世清等連翩擢第餘皆領鄉薦及登  
拔萃科以去五六年間所識拔之士無仍爲諸生者是  
歲具摺奏請以禮記鄭康成注易陳灝奉

旨交部議奏爲部臣所格不行凡得紀游詩及雜文共百五十

首著意言二十篇

五十九年甲寅先生四十九歲在貴州任二月出巡下游  
歲試都勻黎平二府都勻試畢陸行至三脚塋由都江  
舟行古之牂柯江也至古州復登陸時彭提督廷棟兼  
攝古州總兵與孫司馬鑑出迓邀游五榕山入諸葛洞

年譜

五

時方仲春百卉齊放菜甲花黃及一二十里先生嘗云  
江南無此春景也畱一日始行沿路苗寨中皆合隊出  
迎男吹蘆笙衣錦衣插雉尾女則衣黑襜褕以銀圈飾  
頸富者至一二十圍晚至館驛必東西列亭下唱歌以  
荷包及銀犒之方去黎平以歲科並試畱四十日乃行  
中途歷游南泉山少寨洞獅子崖諸勝奇麗皆目所未  
睹先生並有游記三四五月科試鎮遠思州銅仁思南  
石阡平越都勻七府五月十四日返署先一日長孫毅  
曾生八月值甲寅

恩科錄送士子入闈九月科試上游安順南籠二府十一月回

署是歲所得詩文百餘篇著釋歲釋舟二篇

六十年乙卯先生五十歲在貴州任正月十九日布政使  
以下奉邀巡撫馮公及先生至城南甲秀樓張讌放燈  
酒半得銅仁苗石柳鄧戕官起事耗署按察使張公繼  
辛貴東道尼堪富什渾公聞信卽行甫曙馮公繼往自  
此至任滿入都苗氛未參數公並在軍營時有書函往  
復頗靖規畫焉三月科試大定遵義二府五月回署六  
月科試貴陽府八月值乙卯正科錄送士子入闈九月  
以將報滿蔣宜人先率子婦回里十一月十日先生自  
省城啟行督撫密摺陳奏聲名以爲清廉愛士數十年  
所未有諸生送者自圖雲關至貴定三日中常不絕熊  
生煥章楊生大奎隨行皆新中式無力入都者十五日  
抵鎮遠新任學使談君祖綬亦至當卽交印由洪江進  
發十二月抵辰州晤湖督畢公沅湖南巡撫姜公晟十  
九日抵荊州姻家崔太守龍見以公事出晤崔浣青恭  
人錢上舍伯垌兄弟廿四日抵襄陽晤房師安襄鄭道  
王公奉會除夕抵河南南陽府度歲是年得詩數十首  
著貴州水道攷三卷門下士爲先生校刊附鮎軒卷施  
閣二集

嘉慶元年丙辰先生五十一歲元日偕南陽鎮總兵袁果  
南陽府知府完顏岱等至

幄殿行朝賀禮初二日上道初七日至滎澤過河半渡風大

作舟幾覆薄暮仍返南岸因步行攜從子悼孫及兩門

生至惠濟橋行館草宿越一日月夜復渡河夜半忽冰  
凌大下衝舟至四十里外方得泊明蚤復至滎陽驛索  
人夫帆纜始成行午刻抵北岸十四日抵安陽晤同年  
趙大令希璜元夕宿磁州廿八日入都廿九日詣宮  
門覆

命時先以任滿日黔省督撫保奏過優蒙

諭見面時題奏當日軍機處將原摺先遞旋卽

召見

諭問黔中課士情形黔楚苗匪近狀民情安擾官吏賢否甚悉

又

垂詢祖父兄弟并甲第師生良久方遣出是年以

皇上登極

恩詔贈先生父承德郎母安人復以本身妻室應得

封典賜贈祖父母如例二月僦寓兵馬司前街四月散館一等

奉

旨留館六月派本衙門撰文七月派克咸安宮官學總裁八

月移寓沙土園八角琉璃井官房有亭池樹石之勝是

歲得詩約百首

二年丁巳先生五十二歲在京供職二月廿四日長孫女

生三月初三日奉

旨在上書房行走侍皇曾孫奕純讀書卽日移寓澄懷園近

光樓下五月

恩賜葛紗宮扇香串藥定有差蔣宜人率子婦等抵都八月丁

酉朔

皇上釋奠于太學奉

旨借李編修鈞簡石修撰韞玉王編修宗誠分獻後殿是日四  
子胙孫生其母侍姬鄭氏 人蔣宜人前以多病爲  
先生購得之命隨入都侍巾櫛焉十月仲弟以嗣母余  
太孺人年邁乞養歸先生垂淚送之自此亦有歸志矣  
十二月

恩賜

御書福字風羊鹿尾諸品有差是歲得詩文七十餘首刊東晉

畺域志竣

平譜

天

三年戊午先生五十三歲在京供職元夕後仍遷入澄懷  
園直廬正月十二日仲弟副使君卒于里門二月廿七  
日大考翰詹諸員於

正大光明殿

欽命題爲井鮒賦春雨如膏詩征邪教疏先生於疏內力陳內  
外弊政至數千言情詞剴切閱卷者皆動色初擬二等  
前列旋置三等二名三月初二日引

見蒙

高宗純皇帝記名時甫得仲弟凶訃痛哭不食者累日卽於初七

日陳情引疾二十五日挈家屬從陸路南回四月二十  
五日抵里哭仲弟於厝舍五月詣蘇州哭畢公沅於其

墓七月望日送舅氏曙齋先生暨長子節孫至江甯鄉  
試九月榜發節孫中式第四十二名舉人曙齋先生亦  
以年過八十循例

欽賜舉人十月因長子節孫至高淳謁房師張君其縉先生偕  
至宜興徧游善卷龍池之勝旋卽歸里初十日叔母余  
太孺人卒先生經理喪事踰月不出戶庭十一月至杭  
州訪阮學使元秦觀察瀛寓西湖漱石居半月而歸十  
二月葬余太孺人於前橋先塋并卜塋仲弟於塋南計  
家村是歲得詩文約百首刻十六國置域志竣

四年己未先生五十四歲在里門正月爲洞庭包山之游  
回舟復至香雪海探梅月杪返里二月驚聞

年譜

三九

高宗純皇帝升遐以

內廷翰林例應奔赴隨卽束裝北上三月初二日抵都奉

旨在

觀德殿隨班哭臨因赴本衙門銷假暫寓同年戴刑部敦元

鐵厰寓齋四月派充

實錄館纂修官偕總裁諸公首先訂定條例承纂第一分書卽

高宗純皇帝初登極時事也是月以

高宗純皇帝升祔

太廟

恩詔贈先生父奉直大夫母宜人本身妻室並請

封典如例充己未科會試磨勘官

殿試受卷官五月奉

旨教習已未科庶吉士分課湯君金釗張君惠言貴君慶等十

四人移寓

西華門南池子關帝廟八月第一分

實錄告成先呈

御覽先生以春初束裝匆遽在都車馬衣履一切未具遂于二

十日在本衙門乞假已准擬於九月初二日叩送

高宗純皇帝梓官後南行時川陝餘匪未靖湖北安徽尙率兵防

堵時發

諭旨籌餉調兵先生目擊時事晨夕過慮每聞川陝官吏偶言

軍營情狀感嘆焦勞或至中宵不寐自以曾蒙

年譜

三

恩遇不當知而不言又以翰林無言事之責不應違例自動章

奏因反覆極陳時政數千言於二十四日上書 成親

王及座師吏部尙書朱公珪左都御史劉公權之冀其

轉達

聖聽發書後始以原稿示長子飴孫告以當弃官待罪是日宿

宣南坊蓮花寺與知交相别同人皆懼叵測先生議論

眠食如常二十五日卽經 成親王等將原書先後進

呈奉

旨傳至軍機處指問旋有

旨落職交軍機大臣會同刑部嚴審定擬具奏二十六日大臣

等在都虞司訊問並面傳



諭旨洪亮吉係讀書人不必動刑先生感激

聖恩伏地痛哭一一如問指陳無隱當經 王大臣等擬以大  
不敬律斬立決奉

旨免死發往伊犁交將軍保甯嚴行管束二十七日卽行時事  
出倉猝車馬行李俱無所出姻家崔大令景儼方在都  
門謁選偕同年王編修蘇同里莊上舍曾詒等日夜捩  
擋滿洲侍郎成格公時官戶部主事素未識先生自以  
屋券質銀三百兩爲助方得成行計在刑部三日夜及  
自刑部至兵部暨出彰儀門慰問者不絕於道其中多  
有未經識面者先生一一謝之崔莊二君及同里張庶  
常惠言陶孝廉登瀛皆送至蘆溝橋信宿而返二十八

年譜

三

日至良鄉遣長子飴孫旋里支持家事遂挈二僕一車  
夫以行統計自京師至西安二千六百五十里計程二  
十六日自西安至蘭州一千六百九十里計程十八日  
自蘭州至肅州一千四百七十里計程十八日自肅州  
嘉峪關至伊犁萬一千里計程七十二日先生行篋蕭  
然資斧屢見匱乏賴故交素識殷勤贈贖饋食解衣始  
得遄行抵戍在直隸山西則如李大令景梅蔣刺史榮  
昌陳大令日壽在陝西則如朱太守勳莊刺史忻費大  
令濬錢州判站在甘肅則如楊戶部芳燦布政揆姜按  
察開陽唐大令以增周二尹能珂皆先生素交也十月  
初八日抵西安重僱車馬留三日乃行十一月初四日

抵蘭州十二月初一日抵肅州重僱出關長車險參在  
鎮西府度歲事皆詳遣戍伊犁雜記是歲得詩一百四  
十首自西行以後遵

旨不飲酒不賦詩

五年庚申先生五十五歲在伊犁塗次正月二日自鎮西  
府西行十六日抵烏魯木齊二月初十日抵伊犁惠遠  
城自八月二十七日由都起程至是凡行百六十一日  
始抵戍所先是伊犁將軍保甯妄測

聖意於未到之先先遞奏摺中有該員如蹈故轍卽一面正法  
一面入奏等語奉

硃批此等迂腐之人不必與之計較保公之意始息到日派辦

年譜

五

冊房事務并給西城官壘一所先生自抵伊犁除謁見  
將軍外蹤跡不出戶庭所居環碧軒高柳百株亭亭蔽  
日軒下谿水四周暇則靜坐攤書間或巡欄閒步而已  
是年四月京師亢旱

皇上虔禱

三壇祈求雨澤因

命清理庶獄分別減等又

赦刑部及各省詳查永遠監禁人犯分別省釋其在新疆年久  
未經釋回者俱分別開單候

旨加恩先生以到戍未及三年例不開列自四月二十四日  
皇上親禱社稷壇之後經旬尙未得雨閏四月初三日因奉

上諭從來聽言爲郅治之本拒諫乃失德之大朕從不敢自作聰明飾非文過採擇羣言折衷而用兼聽並觀惟求一是而已去年編修洪亮吉既有欲言之事不自具摺陳奏轉向成親王及朱珪劉權之私宅呈送原屬違例妄爲經成親王等先後呈進原書朕詳加披閱寔無違碍之句仍有愛君之誠惟視朝稍宴小人熒惑等句未免過激令王大臣等詢問擬以重辟施恩改發伊犁然此後言事者日見其少卽有言者亦論官吏之常事而於君德民隱休戚相關之實絕無言者豈非因洪亮吉獲咎鉗口不敢復言以至朕不聞過下情復壅爲害甚鉅洪亮吉所論實足啟沃朕心故銘諸座右時常觀覽若實有悖逆亦不能壞法沾名不過違例奔競取巧營私之咎况皆屬子虛何須

年譜

三

置辨而勤政遠佞更足警省朕躬今特明白宣諭王大臣并洪亮吉原書使內外諸臣知朕非拒諫飾非之主實爲可與言之君諸臣倖遇可與言之君而不與言大失致君之道負朕求治之苦心矣王大臣看此諭先行廻奏仍各殫心竭思隨時密奏軍機大臣卽傳諭伊犁將軍保甯將洪亮吉釋放回籍等因欽此是日午刻

皇上硃筆親書

諭旨交軍機頒發中外下午以後同雲密布卽得甘霖

御製得雨敬述詩紀事

御製詩注有納言克己乃爲民請命之大端本日親書諭旨將去年違例上書發往新疆之編修洪亮吉立予釋回宣諭中外

并將其原書裝潢成卷常置座右以作良規正在頒發是夜子時甘霖大沛連宵達晝旋據報近郊入土三寸有餘保定一帶亦皆深透

天鑒中誠捷於呼吸可感益可畏也等語是月二十七日先生在

伊犁欽奉

諭旨於將軍署庭涕泣叩首恭謝

聖恩訖卽呈明將軍以五月初一日東還統計居伊犁僅及百

日同人言自闢新疆以來漢員

賜環之速未有如先生者有紀

恩詩四首記事同人皆贈詩送別二十日抵烏魯木齊六月初

六日抵哈密二十一日抵肅州換車而行七月十三日

年譜

三四

抵蘭州十六日次孫宛曾生是月杪抵西安八月十六日抵開封九月初七日抵里親故話舊幾如隔世因自號更生居士十二月小除夕女紉孫適江陰繆氏繆壻梓入贅於家是歲得詩九十五首補作伊犁紀事等詩九十七首雜文十四篇著天山客話一卷紀程一卷外家紀聞一卷

六年辛酉先生五十六歲在里門自二月以後偕里中耆宿爲壺牒之會每逢花辰令節與趙觀察翼莊宮允通敬徵君宇遠蔣通守騏昌吳封君端彝陳大令賓蔣表兄廷耀等往還唱酬無間每歲皆然其於莊大令述祖臧明經鏞堂則時時相與商榷經義屢有辨證焉五月

十三日孫宛會塲六月避暑焦山定慧寺詩僧慧超巨  
超皆從論詩同年會都轉燠邀遊揚州平山堂數日仍  
返焦山七月孫總戎廷璧邀游太湖東西二山遂至消  
夏灣觀荷十月松太道李觀察廷敬邀游吳淞江鎮洋  
汪庶子學金邀游趣園遂自蘇州徧游婁東諸勝而返  
是歲得詩二百十九首文三十一篇

七年壬戌先生五十七歲在里門旌德譚君子文居下洋  
鎮自建洋川書院延課諸郡生童聘先生主講席遂以  
二月攜第三子符孫壻繆梓至洋川與諸生講經談藝  
每至宵分遠近聞風從游者日衆四月旋里八月青陽  
陳明經蔚邀游九華歷天臺東巖諸勝復游黃山浴朱

年譜

三

砂泉重至洋川書院十月旋里十九日蔣宜人卒有悼  
亾八首記事作蔣宜人行狀十二月吳江徐待詔達源  
邀遊黎里旬餘而返先生自塞外歸尤喜導揚後進每  
遇世交子弟才藻過人者輒向名公鉅卿稱道不置同  
里如劉編修嗣綰莊上舍曾詒黃孝廉載華丁明經履  
恆陸孝廉繼輅秀才耀通黃上舍乙生莊秀才綬甲周  
孝廉儀暉陸上舍鏞高秀才星紫瞿孝廉溶等皆得獎  
勵之益其專心古學者如劉孝廉逢祿董上舍士錫諸  
人則以漢魏諸儒勗之其在蘇州松江鎮江徽州甯國  
池州及浙江東西諸郡簪屐所至從游最多每有異才  
必加獎許其尤邀心賞者至折輩行相交請質文字累

曩常盈几案至有數千里轉輾介紹以求詩文題字者如雲南師大令範袁明經揆四川郭主簿蘭芬等不可勝計至如羽士緇流素工吟咏者亦欲得一言以爲幸偶歸里中及所過之地戶履恆滿樽酒過從論文考古動輒移晷先生不憚其煩也是歲得詩百七十七首文三十五篇著左傳詁二十卷

八年癸亥先生五十八歲在里門正月同年會都轉煥過訪因偕同里趙觀察翼劉宮贊種之莊宮允通敏舅氏曙齋先生莊庶常詵舅謝庶常榦爲詞館之會畱讌數日始行二月離政額勒布公聘主揚州梅花書院因游京口諸山遂至平山堂看梅四月以揚州講席酬應較

八年譜

三

繁辭之而歸仍赴洋川書院是月廿八日次孫女生五月旋里六月至焦山定慧寺避暑旬餘而返八月仍赴洋川書院十一月自洋川由水程沿江至蕪湖張太守祥雲陳孝廉懿本畱游後湖蠓磯諸勝遂訪孫觀察星衍於江甯月杪旋里偕同里諸公爲消寒雅集杯酒往還更迭置讌十二月復游上海偕李觀察廷敬及幕中諸客爲消寒會旬日返里十二日壟蔣宜人于前橋先塋昭穴復遷塋仲弟副使君於穆穴先生自營生壙戒子孫毋得更葬爲詩以記之葬事旣畢因至句容茅山徧游青元館華陽岡乾元觀與舊友王司馬周南談燕竟日而返是歲於宅西西圃小築泉石創曙華臺更生

齋得詩二百九十九首文三十二篇刊竣乾隆府廳州  
縣圖志五十卷著比雅十二卷

九年甲子先生五十九歲在里門正月率長子飴孫弔平  
學使恕於江陰同年邢大令澍邀游長興龍華寺遂泛  
湖至長興自長興訪王少寇昶於青浦李觀察廷敬復  
邀游上海徧訪南園吾園及葉氏也是園三月重赴洋  
川書院四月自洋川至歙縣洪源謁先祠展大同府君  
之墓五月旋里初七日第五子齡孫生六月送書院諸  
生至江甯鄉試留居報恩寺精舍匝月八月重游上海  
李觀察邀同先生及吳祭酒錫麒祝編修莖趙表弟懷  
玉諸人以中秋夜泛月至吳淞江飲宴達旦各有詩紀

年譜

三

事十月如臯江觀察爲霖邀游北園遂偕登狼山絕頂  
望海訪水繪園故址回塗湖江復至焦山小憇十二月  
至蘇州游天平支峒諸山久住吾與菴遂往鄧尉香雪  
海探梅而返是歲得詩二百五十九首文二十一篇

十年乙丑先生六十歲在里門正月自宜興渡太湖至長  
興偕詩僧巨超游下山遂自湖州至天台徧游天台石  
梁赤城瓊臺諸勝宿桐栢宮國清寺數日而返三月涇  
縣李大令德淦聘修縣志設志局於蕭公祠先生日與  
縣人趙舍人良霽廣文紹祖左明經煊朱廣文煨等訂  
定志例酬酢往還無間五月旋里六月重至涇縣志館  
八月旋里復爲太湖包山之游徧訪石公山林屋洞綠

楊灣諸處九月三日爲先生周甲初度長子飴孫等於里第授經堂稱觴二日初十日第三子符孫娶婦崔氏乾隆辛巳進士分巡湖北荆宜施道永濟崔君龍見之孫乾隆壬子科副榜貢生甘肅兩當知縣景儼之女也十月由京口溯江至星子縣登匡廬絕頂自香爐峰厓石門澗天池佛手巖黃龍澗秀峰寺諸勝回塗重至涇縣是月七次孫女殤十二月旋里是歲得詩三百四十三首文二十二篇

十一年丙寅先生六十一歲在里門正月至杭州以元夕

泛舟西湖遂至餘杭縣徧游徑山大滌山諸勝宿洞霄宮回舟復至鄧尉看梅二月甯國魯大守銓聘修甯國

年譜

三

府志設志局于城北戚氏故居先生以涇縣志事將成命長子飴孫先往編校自留甯國訂定條例閒訪敬亭

南湖之勝四月自甯國至涇縣由水程旋里五月復至

甯國七月自甯國至涇縣遂由旌德太平往游黃山浴朱砂泉宿紫雲菴復自黟縣祁門溪行至崇安縣游武

夷山徧歷九曲溪及天樞玉女諸峯入桃源紫雲洞自

上饒玉山舟行旋里是月四日孫凱曾生第三子符二孫所生

十三日第三子婦崔氏卒八月二十三日孫彪曾生長子

飴孫所生十月重赴涇縣十一月以涇縣志告成自涇縣至

甯國瑁繆梓補江陰縣學生十二月由甯國旋里是歲

得詩三百十七首文二十二篇著六書轉注錄八卷編



纂涇縣志三十二卷

十二年丁卯先生六十二歲在里門正月往游金焦二山  
小憇定慧寺二月舟行至於潛縣游東西天目山宿禪  
源寺數日而返重赴甯國志局第三子符孫侍行五月  
旋里避暑焦山定慧寺六月重至甯國是月二十日次  
女生二十二日側室鄭氏卒七月自甯國至江甯八月  
嘉興李太守賡芸邀游煙雨樓遂游常熟虞山至嘉興  
復渡浙江至紹興登北榦山訪快閣天池之勝十月重  
至甯國十一月以府志告成自甯國旋里是歲常州大  
早秋霧復傷稼禾苗不成飢民皇皇城邑尤甚先生首  
請于蔣太守榮昌及武進陽湖兩明府設局營田廟捐

八  
年譜

三  
完

資施賑先生總理局事自捐三百金爲倡餘按城鄉各  
商賈殷戶酌資勸捐每日卯刻入局漏下一二十刻始  
返風雨無間又慮賑鬻賑米有疾疫及狼藉粒米之虞  
於是改賑以錢自十二月至戊辰四月每月放賑一次  
計在局四閱月凡捐銀一萬七千九百餘兩錢十萬六  
千四百餘千所賑飢口二十萬四千九百六十餘其鄉  
歸鄉辦者不在此數閭閻稍蘇而災厲不作鄉人感之  
是歲得詩二百九十二首文二十四篇編纂甯國府志

五十卷

十三年戊辰先生六十三歲在里門二月六日偕陽湖畢  
明府開煜在武廟放第二次賑三月十六日偕陽湖馬

明府紹援在西廟放第三次賑是月自江陰渡江至通州遊雲台山及狼山登支雲塔觀海四月十八日偕馬明府在武廟放第四次賑是月至杭州小住湖上游雲棲理安諸寺回舟復觀吳門競渡而返六月避暑焦山定慧寺是月二十日適芮氏伯姊卒先生哭之慟浹旬不出戶庭八月率第三子符孫至江甯鄉試回塗復至揚州訪友重憇焦山以中秋月夕徧游月波臺巨公崖與詩僧巨超等談游竟夕十月江行至漢陽訪洪山南湖晴川黃鶴之勝月杪旋里十二月游荆溪南山入張公洞里許而還初五日孫序曾生第三子符孫妾戈氏所生是歲靖江朱方伯勳居憂寓郡中先生偕方伯及其客陳司馬

八年譜

單

玉鄰唱酬往來最數得詩二百七十一首文二十篇

十四年己巳先生六十四歲在里門正月至蘇州鄧尉看梅久憇吾與菴三月重游焦山小憇定慧寺及海門菴四月廿二日先生偶患脇疾服醫家消導之劑月杪漸愈五月初五日脇痛復劇飲食漸減猶日坐歲寒堂未嘗偃臥有問疾者皆自謝之初九日服醫家降伐之劑脇痛未減時有喘逆十二日氣息漸微家人環問頻云無所苦彌留之際老媪抱幼孫彪曾侍側呼先生猶徐應之未刻先生卒越一日殯于北江草堂子飴孫等以是年十二月二十四日申時葬先生于武進縣德澤鄉

前橋祖塋昭穴

曾孫用勳校字重刊

常州府志人物傳

洪亮吉初名禮吉字稚存陽湖人其先出於唐監察御史宏察避孝敬太子諱更氏洪亮吉六歲孤母蔣賢明督課嚴風雪夜受經至雞鳴亮吉純孝既壯爲嬰兒戲娛母貧出遊歸聞母凶耗慟絕墮水得救免三年徹酒肉不入中門其性摯如此亮吉少工文辭從安徽學使朱筠遊時同幕府餘姚邵晉涵揚州王念孫汪中同縣孫星衍並敦向古學亮吉因治經熟精三史學益宏博乾隆五十五年成進士殿試一甲二名授編修充 國史館纂修官五十七年充順天鄉試同考官拜貴州學政貴州僻遠寡聞見亮吉購經史古籍給學官教授奏禮記陳澍注孤陋易鄭氏格不行嘉慶元年充 咸安宮總裁 上書房行走三年正月大考翰林時白蓮賊起川陝不卽平亮吉爲征邪教疏斥時政寘下等會弟亡引疾歸四年正月高宗純皇帝崩亮吉奔喪入都與修 實錄務依古史裁簡約核事與掌院議不合欲歸目擊時事胸中欲吐者全涌而翰林無言責不得達乃上書 成親王極言時政萬餘言王得書不敢祕與大學士朱珪劉權之白奏

方對簿

詔亮吉讀書人體弱母許用刑亮吉感動伏地問何爲上書從容應曰庶人傳語況翰林乎王大臣等當亮吉大不

敬律斬立決

特恩免死遣戍伊犁九月二十四日上書二十七日即行  
自詔獄出彰儀門臚問者不絕於道或爲之泣亮吉意氣  
自如出塞抵萬松岡慨然指語左右曰此吾童年所夢見  
也今至此非前定耶明年閏四月京師旱

上詣壇祈禱減軍流罪不雨朱珪奏安南黎氏二臣忠而  
久繫

上立出之又不雨

詔赦直言獲罪洪亮吉歸是日大雨是時亮吉抵伊犁三  
月矣

詔曰聽言致治之本拒諫失德之夫自洪亮吉獲咎言者

傳

二

日少卽言皆官吏之常不涉於君德民隱使朕不聞過下  
情壅閉其以亮吉書示內外諸臣使知朕非飾非拒諫之  
主而爲可與言之君速令伊犁將軍大學士保甯放歸亮  
吉初和珅誅中外窺承

上旨亮吉遣在途保甯奏當以他事坐之死

上敕不許及

詔至亮吉奉

詔涕泣竟得還而亮吉遂歸署其室曰更生表不殺恩里  
居十年天下欽望以識面爲幸嘉慶十四年五月卒年六  
十有四亮吉性剛急好古人偏奇之行喜游登黃山天都  
峯絕頂入茅山石洞持燭行數里放舟上洞庭縹渺峯大

風浪吟嘯自得皆人所難而氣質沈厚可任大事亮吉既


歿 朝廷

詔旨猶時及之有直言陳大計者稱美謂有洪亮吉風舉

朝唯阿則激勵之今何無洪亮吉其人其名在 朝廷如

此著書二百六十餘卷子節孫字孟慈嘉慶三年舉人知

湖北東湖縣沈敏嗜學能繼父業多撰述卒於官



傳

三

此書...

...

...

...

...

...

皇清奉直大夫翰林院編修洪稚存先生行狀

通議大夫 日講官起居注左庶子充 皇清文穎館纂修官蒙古法式善撰

會祖璟山西大同府知府會祖妣徐氏封恭人

祖公案太學生妣贈承德郎祖妣趙氏妣贈安人

父翹太學生贈奉直大夫妣蔣氏贈宜人

先生姓洪氏初名蓮改名禮吉後又改名亮吉字君直一字稚存號北江晚自伊江歸乃自號更生然人皆稱爲稚存先生云先世居歙祖遷於常州乃居常爲陽湖人先生四歲伯姊教之識字五歲能背誦大學中庸六歲孤母蔣太宜人攜居外家自課之先生所以繪機聲燈影圖也太宜人嘗舉宜其室家命之屬對遠應聲曰飽乎仁義太

行狀

四

宜人頗奇之十三學作詩詩以排奐勝蓋少年時卽能爲盤空硬語焉二十四補縣學生與同縣趙懷玉黃景仁爲友至江甯袁大令以爲逸才朱竹君筠督安徽學賞其文似漢魏與黃景仁俱延入幕嘗稱二子之才致書京朝官謂如龍泉太阿皆萬人敵先生旣居學幕交江都汪中餘姚邵晉涵武康高照高郵王念孫會稽章學誠興化顧九苞歸安吳蘭庭學日進會 朝廷開四庫館命江浙搜采遺書而安徽省設局則先生總其事錢侍郎維城彭學使元瑞蔣編修士銓爭稱之乾隆甲午科中江南副榜第一里中人以先生與孫星衍黃景仁趙懷玉楊倫呂星垣徐書受爲七子四十一年佐浙江學幕聞太宜人病馳歸

距常州三十里徒步入城途遇僕以太宜人卒告先生方  
度橋遂墮水隨流下數里汲人救之出久乃蘇歸家水漿  
不入口者五日終喪不肉食不入內寢自以未及視含歛  
哀戚終身遇諱日輒不食雖客中途次不變中四十五年  
順天鄉試會試報罷與孫君星衍遊秦居畢制府沅幕爲  
校刻諸古書而日遊秦中名勝詩文益勝庚戌科成進士  
以廷試一甲第二名入翰林爲編修壬子充順天鄉試同  
考官闈中奉 命視學貴州翰林未散館而爲學使者  
前則韓城王文端近則吳縣石君韞玉及先生三人而已  
秩滿還 朝入直 上書房嘉慶三年翰詹廷試

行狀

五

弟喪歸里平生於兄弟朋友之喪皆力行古道當黃君景  
仁客死秦中先生實經紀之徒步送至其家云

今上親政朱文正薦之旣入京自以蒙 特達知當竭  
忠圖報而翰林無言事責乃以己意論時事上王大臣乞  
轉奏

天子鑒其愚戇僅謫戍伊犁不一年赦歸而所上王大臣  
書

天子特置之座側而嘉許焉先生深知感激

聖恩旣返里閉杜門著書由是四方求詩文者益眾而先  
生所自著考證書亦益精以嘉慶十四年五月十二日卒  
于家年六十有四娶蔣氏先卒子四館孫戊午舉人 國

史館謄錄官議敘知縣符孫太學生胙孫齋孫女二人孫  
四人孫女一人生平撰述刊者有卷施閣詩文集三十二  
卷附結軒詩集八卷更生齋詩文集二十八卷三國疆域  
志四卷東晉十六國疆域志二十卷乾隆府廳州縣圖志  
五十卷當先生臚唱日余方侍班一見卽與定交館孫居  
喪次不能爲文以余久故知先生深乃寓年譜乞余爲行  
狀以待他日有道能文之士爲銘幽文者之采擇謹狀



翰林院編修洪君傳

通議大夫山東等處督糧道兼管德常臨清倉事加三級同里孫星衍撰  
洪亮吉字稚存常州陽湖人先世徽州祖公宋爲趙氏贅  
婿因居常州趙氏守太原坐法籍沒家產洪保其孤以義  
聞父翹蚤卒君六歲而孤母氏蔣撫教有法幼聰慧以貧  
故無常師能自力學孝事寡母一弟三姊怡怡如也旣入  
縣庠有時譽常仿尤侗爲樂府述兩晉南北史事音節遠  
峭先達見而稱之時大興朱學士筠督學皖江延攬名士  
君與同里黃秀才景仁揚州汪上舍端光皆爲幕下士從  
學使登涉名勝各爲詩歌相矜尙黃似李白君學杜甫一  
時稱洪黃時幕府有戴君震邵君晉涵王君念孫皆好古

傳

七

學君亦窮究經籍尤精熟三史乾隆二十九年甲午科  
副榜君詩古文愈進當道多延之修古書校文者遊道日  
廣四十一年丁母艱自浙中奔喪歸哀毀有過禮三年不  
肉食不入於內不與里中祭弔時古禮久不能行或反謂  
其迂僞四十五年庚子科中北榜舉人旋至闕中依畢撫  
部沅與纂宋元資治通鑑始爲地理之學撰補三國十六  
國疆域志等書五十五年庚戌科成進士以一甲二名  
賜及第授編修又二年充壬子科鄉試同考官是年奉  
命督學貴州奏禮記宜用鄭氏古注今功令試士從元  
陳澧注舛漏不足闡發經義未奉部議施行復 命後

久之假歸

今上親政修

高宗純皇帝實錄朱文正珪保薦君起復赴都君修史依古法務簡質與諸鉅公議多不合又以

上大開言路翰林無專達之責每在師友座扼腕論事勸諸大僚激揚人物清濁人多以爲狂將假歸乃致書親王大臣累數千言列某封疆誤國不恤民某使臣婪索虧帑藏某號稱正士託迹權門某官列清班乞憐貴要又言部使出按章輒瞻徇完結不能伸理冤獄凡指斥內外臣四十餘人

上得其書交刑部訊結依大不敬律擬斬決奏上

上以君無違礙之句有愛君之誠免死改發伊犁未三月

奉

旨釋回

上又因君獲罪後言事者少卽有言者無君德民隱休戚相關之實特製導言納諫論置原書座右宣示諸臣并有亮吉所論實足啓沃朕心及知朕爲可與言之君之

諭先是伊犁將軍某妄測

聖意密奏俟君到成所引事置之重辟有

旨申飭不行君卒以保全歸里後杜門撰述卒於嘉慶十四年五月十二日春秋六十有四君一生勤學不以所遇榮枯釋卷帙恍爽有志節自稱性褊急不能容物好古人偏奇之行每惡胡廣中庸不悅孔光張禹之爲人遊山窮

極勝境登黃山天都峯絕頂入茅山石洞然燭行數里皆人所不能到放舟登洞庭縹緲峯值大風浪嘯歌如故晚年詩愈刻峭爲六朝駢體文筆力迥邁自刻成文集若干卷注左傳若干卷他著作復數百卷詳於家傳不具述云妻蔣氏先卒子節孫符孫胙孫麟孫節孫亦能讀父書爲古學

舊史氏曰吾於洪君之遇而知

聖世容人納諫之政度越千古也唐宋不殺言官恕其一死或探上意斃之道路或不見省錄終於戍所何可勝道君以違例言事蒙

恩免死不斃於邊帥陰謀之手於是知

傳

九

聖明之獨斷遠矣

洪稚存先生傳

文林郎翰林院編修充 國史館纂修官宜黃謝階樹撰  
洪稚存先生亮吉江蘇陽湖人也其先居歙之洪坑本宏  
氏唐時有經綸者爲宣歙觀察使避孝敬諱改爲洪氏三  
十六世至先生高祖德健德健生璟拔貢生累官山西大  
同府知府有政績入祀名宦祠璟生公案贅於常州遂占  
籍焉公案生翹翹生先生先生六歲而孤家貧隨母僑  
外家蔣氏少慧童時能爲詩古文辭及壯伉爽有志節有  
司聞其名辟掌書記鬻文得金卽以將母後數歲母病中  
風卒先生在處州聞疾馳歸比至里得實大哭昏絕方度  
橋墮水流里許有汲者見其髮持之則鬪然人也呼眾共

傳

十

昇之識爲先生旣甦而哭不絕聲觀者皆垂淚歎息曰真  
孝子時天寒卒無所得衣履里人蔣松圓解已衣衣之終  
喪如禮以不得視母殮遇忌日輒不食又以聞母疾時方  
聽樂遂終身不近絲竹其天性如此又數歲遊陝之西安  
黃景仁其友也亦客安邑將死託以身後事先生得書四  
晝夜馳七百餘里至安邑扶其柩旋里且營葬焉其風義  
皆此類也乾隆庚戌舉禮部試 廷試第二人除授翰林  
院編修充 國史館纂修官明年充順天鄉試同考官旋  
命爲貴州學政故事翰林未散館無爲學政者有之自先  
生及修撰石韞玉始三歲滿任

今上元年四月散館留編修旋充咸安宮總裁官明年命

上書房行走又明年大考翰詹官

上命諸臣擬征邪教疏是時川楚陝餘氛未靖先生指陳規畫慷慨數千言無所爲忌諱閱卷官嘆其切直抑置三等是月病免家居又明年

高宗純皇帝上賓先生以供奉內廷奔京哭臨四月充實錄館纂修官會試磨勘官殿試受卷官五月教習庶吉士於是

上方親政詔求直言極諫之士先生念身自微賤受知兩朝居侍從之列歷試諸職欲終不言則非人臣匪躬之義言之又慮其不可以徑達也自聞詔後不知寢食者累月一日奮曰吾終不可以立仗馬辜

傳

士

聖天子恩乃反覆極陳時事手書爲三函乞成親王及故大學士文正公朱珪今兵部尙書劉權之代奏明日成親王等以先生書奏聞有旨褫職逮問王大臣當以大不敬律斬立決入奏當時中外惶惑以爲先生禍且不測內閣中書趙懷玉先生同里友也訣之以酒懷玉一滴不能下嚙而先生大嚼以爲先生之未知之也目之欲語而止者再先生察其色異卒問曰君似有所言者何囁嚅也懷玉未有以應已而哽咽出聲曰有旨先生遽曰有旨斬立決耳吾乃今日知死耶君少安顏色不亂飲啗如平常當是時監視者伺於門行刑者屬於道而不知上之聖明實無意死之也於是朱珪入見免冠頓首曰亮

吉小臣妄發罪死不赦然亦愚忠人也 陛下幸無督  
過之

上意愈解得 旨遣成伊犁是日出獄將行度道里之費  
不費滿洲今禮部侍郎成格時官戶部主事甚貧雅未識  
先生以屋券質銀三百兩盡餽之乃就道先生之行也居  
民間其至園觀而拜於馬前將宿或薦酒饌已寢則置牖  
上以首叩戶聞而去又明年二月先生至伊犁四月京師  
旱

上禱雨心切命清理庶獄故事成伊犁者滿三年則伊犁  
將軍入奏未及期不得上請聞四月三日尙未得雨特旨  
釋洪亮吉回籍 詔午下而又大雨先生居伊犁厯百日

傳

十一

漢臣 賜歸之速未有如先生者先生歸自號更生居士  
後十年以疾卒於家年六十有四先生雅好遊覽自吳越  
楚黔秦晉齊豫山水履迹幾徧焉遊輒有詩文故生平著  
述甚富有附歸軒卷施閣二集及它詩文志乘若干卷行  
於世

史官謝階樹曰先生上書時豈復知有生死哉忠義憤發  
於中有不能自己者焉

天子旣已薄其罪矣又以其書宣示王大臣蓋 堯舜  
之主從諫如此也然先生之後卒未有聞焉何也豈猶有  
所希歟嗚呼余讀漢書至薛廣德張猛共諫御樓船之事  
於是元帝善猛曰曉人不當如是耶先生之志余又爽然

傷之矣

傳

士



皇清奉直大夫翰林院編修洪君墓志銘

奉政大夫山東青州府海防同知武進趙懷玉撰

君姓洪氏諱亮吉字君直一字稚存曾祖璟山西大同知府祖公案考授直隸州州同贈承德郎祖妣趙氏懷玉之主姑也考翹國子監生贈奉直大夫妣蔣氏先世居歙縣承德贅於趙始爲陽湖人君生六歲而孤家貧就外家塾讀書聰穎出諸同學上年二十四補縣學生朱學士筠視安徽學往從之遊所交多知名士始君擅詞章至是乃兼治經以乾隆甲午副榜貢生舉庚子順天鄉試庚戌成進士殿試一甲第二人授翰林院編修明年爲石經收掌及詳覆官以舊書十三經多訛俗白總裁欲更正之未能

墓志銘

古

從也旋充壬子順天鄉試同考官督學貴州奏請以禮記鄭康成注易陳澧爲部議所格教士敦勵實學購經史足本及文選通典等書俾諸生誦習所識拔者多掇科第去黔人爭知好古還朝充咸安宮官學總裁入直上書房侍皇會孫奕純讀書弟靄吉卒於家君以古人有期功去官之義乃引疾歸及高宗純皇帝升遐赴都哭臨充庶吉士時川陝賊未靖

上宵旰焦勞君目擊情狀欲有獻替願翰林例不奏事於是上書於成親王及座主朱尙書珪劉左都權之冀其轉奏大指謂聖躬宜勤政遠佞臣工多奔競營私語過



激有旨交軍機大臣與刑部會鞫讞上當君大不敬擬斬立決旨特恩免死發往伊犁交將軍保甯管束當會鞫時予省之都虞司次日省之刑部獄第三日追送廣甯門外雖勉以正誼而生死未卜泣不能忍君則辭意慷慨無可憐之色未抵戍所將軍奏該員如蹈故轍當以事置之法有旨申飭以免庚申四月京師旱

上親書諭旨釋令回籍旋得甘雨

御製得雨敬述詩紀事有將原書裝潢成卷常置座右以作良規之注計居伊犁甫及百日新疆漢員人賜環之速未有如君者自此遨遊山水枕藉墳籍者十年卒得考終家術

上之成就而安全之者可謂至矣君既歸自號更生居士丁卯吾鄉歲暇首請當事設局賑濟而自捐金爲倡主其事頗力鄉人賴以就蘇君厚於天稟情性過人然明好惡別是非無所迴護議論激昂忱爽有古直者之風詩文涉筆有奇氣舉世稱之生平所著書凡二百六十餘卷訓詁地里尤所顯門云嘉慶十四年五月十二日卒春秋六十有四配蔣氏前卒子五人館孫嘉慶戊午舉人議敘知縣盼孫殤符孫國子監生肸孫麟孫女二人孫四人以是年十二月己酉葬武進縣德澤鄉前橋之原館孫等來乞銘予既與君中表又數十年麗澤之雅周知始終無以辭也銘曰君之制行惟孝友爱及宗婣如身與手君之致身在

忠讜

主聖臣直令終高朗君之力學經為基六書指掌九域列  
眉君之行文古是則瓌瑋連犴猋馳電激嗟乎洪君家邦  
之華年甫協乎卦氣遽託體乎山阿謂予言為可信庶識  
石而弗磨

墓志銘

六



墓志銘

今有... 傳... 數... 時... 平... 山... 阿... 謂... 予... 言... 為... 可... 信... 庶... 識... 石... 而... 弗... 磨

... 文... 書... 具... 限... 與... 故... 族... 公... 顯... 東... 鄉... 七... 將... 孫... 家... 氏... 上... 引... 直... 介... 謙... 宜... 慎... 存... 衣... 冠... 履... 保... 其... 大... 善... 其... 皇... 天... 賦... 賦... 不...

... 引... 直... 介... 謙... 宜... 慎... 存... 衣... 冠... 履... 保... 其... 大... 善... 其... 皇... 天... 賦... 賦... 不...

清故奉直大夫翰林院編修洪君墓碑

朝議大夫國子監祭酒錢塘吳錫麒撰

夫忠孝爲庸行之常而不磨者至性文章乃千古之事而難得者通才是以郭李著美於人倫顏謝騰聲於藝苑若欲並推準的咸麗名實求之古昔往往難之乃今見之於吾友洪君矣君諱亮吉字君直一字稚存號北江晚號更生常州陽湖人也先世居歙縣洪坑至君祖公案贅於常州趙氏遂遷居焉父翹國子監生累贈奉直大夫母蔣太宜人君生有奇姿羣稱英物六歲遭贈君之喪無所依倚隨母寄居外家外王母龔太孺人極愛憐之枕石漱流之語決其將興凱風寒泉之思策之自勵其時君方處困蔣

碑

七

亦居貧太宜人晨遣從師夕而考業寒月一杼秋螢一囊讀甫畢而雞號寢未甯而漏絕此後之機聲燈影圖所爲志也學旣博通才唯伉爽師則青藍相代友乃韋弦交贊養志之歡或慰之窺客負米之悴恒輔以傭書每當沿湖江湖旁陟郡縣所遇中朝碩望海內名流如朱文正公珪袁大令枚邵編修齊燾沈都轉業富蔣先生士銓莫不誇董綬以儒臬目房喬爲國器甲午中副榜是年始與孫君星衍訂交合黃君景仁趙君懷玉楊君倫呂君星垣徐君書受互相唱酬謂之毘陵七子入林之約把臂非遲過關之圖衝寒如見一時之盛梓里稱之丙申蔣太宜人卒時王文端公督學浙江方延校文家人僅以病告君星夜遺

歸半途得耗昏迷墮水幾至不救歸而辟踊無節柴毀易狀趙和死且無恨哀感路人劉超哀不離身常如喪次人尤重其孝云庚子舉京兆試又十年庚戌始捷南宮廷試以第二人授翰林院編修壬子充順天鄉試分校官闈中卽奉視學貴州之

命故事未散館無任學政者有之自君始寒毳甫謝使節行握撤省門之棘論早無譁集泮林之桑音皆改聽蓋君至黔敦厲古學崇獎儒修購經史善本及文選諸書以資諷誦請以禮記鄭康成注易陳澧集說文章爾雅選學於是權輿經術昌明鄭志由之津逮至今黔人能務讀書者君之教也丙辰任滿還京補行散館以一等舊館供職丁

巳奉

碑

丈

旨在 上書房行走戊午大考題有征邪教疏君力陳內外積弊至數千言裴顧感時孫洙論事揭流民之狀而圖之目前發流涕之言而聲之紙上固知其矢愚忠而欲効懷朴恂而思陳者久矣迨己未值

皇上親政之年正川陝用兵之日君忡忡葵抱慊慊芻私引素食以爲羞伏青蒲而未敢遂乃上書三府冀達九重致冒昧於語言幾莫全乎要領幸賴

如天之度加之不殺之

恩俾得荷戈荷殳遠戍絕漠經天山之日已分魂歸度玉門之關敢期生入乃磨盾之墨猶濕而

賜環之詔已行時因京師久旱奉

命清釐庶獄且查在新疆年久者將行寬典君到成纔及  
百日待荷

恩旨釋回

膏雨同飛

仁風曲被并

示求言之渴用開進諫之誠謂狂直若朱雲詞原過激念  
忠愛如蘇軾心本無他發函俾警乎臣工留牘早銘於座  
有謙哉

帝德大矣

王言人盡三呼

禱

九

天真再造而

主之誼厚矣而臣之遇榮矣於是重望衡茅言歸桑梓遂  
得棲魂隴畝偶影妻孥激流植榷援聊供小憩經邱尋壑時  
賦近遊每過徐君之墓黃公之墟樹已苔封草多烟積迹  
者不作餘生倖存則諮父老以桑麻課子孫以誦讀藉答  
高厚以畢此身亦復奚慕乃己巳四月遊焦山歸衣袖所  
畱猶是雲氣江風忽過竟散詩聲蓋到家病不旬日怡然  
就化嗚呼哀哉君生於乾隆十一年九月初三日歿於嘉  
慶十四年五月十二日年六十有四娶蔣宜人先君七年  
卒子五人長節孫戊午舉人次盼孫次符孫次胙孫次齮  
孫孫五人教曾宛會凱會彪會序會君之大節章矣至其

友于兄弟惠及朋友尤復卹然於急難之故濯焉於死喪之戚嘗以仲弟歿引疾去位歸里持喪又其友黃君景仁旅死安邑君自西安假驛騎四晝夜行七百里哭之於蕭寺中送其柩歸二秋徂歿延之之服有逾千里結言元伯之車俄及他如義敦戚黨誼篤師門指困折券之風樂善好賢之雅卽云餘行人孰能之生平嗜好山水窮極險異足蹟所到名勝殆周故自發軔江淮之始以逮從軍積鹵而西中間關隴馳輪巴黔弭節州有九而陟其八嶽有五而登其三竹柏相間卽通之屐齒薜蘿在眼無阻於樵步所歷阨塞之地華離之區究興廢於古今證異同於枕藉雖興託登眺而義資攷訂卽至域逾萬里身濱九死而疏

碑

字

勒之辨昆侖之釋論者爲法顯之志西域道元之注水經不能過也昔龍門作史乃在涉江而還長卿著書已是倦遊之後君則早通學海畢貫經神受寫定於禮堂務折衷於涑長所著有左傳詁二十卷公羊穀梁古義二卷漢魏音四卷六書轉注錄八卷比雅十二卷史記等四史謬誤十二卷三國疆域志二卷東晉疆域志四卷十六國疆域志十六卷西夏國志十六卷乾隆府廳州縣志五十卷貴州水道志三卷天山客話二卷紀程二卷外家紀聞二卷附歸軒詩八卷卷施閣文甲集八卷乙集八卷詩集十六卷詞二卷更生齋文甲集八卷乙集四卷詩集十六卷而郡縣志與應奉文字幕府箋奏不與焉夥矣哉其探纂前

聞牢籠萬有人已聚將成庫積可等身矣若夫雷霆發榮  
雲霞煥采振轡於搏桑之表迴瀾於積石之源元神翕張  
精氣回幹又何大哉又何盛哉今其孤節孫等將以某月  
日卜葬君於武進德澤鄉前橋之原而乞余表其墓道余  
與君生既同歲舉亦齊年契合性真脫略繩檢顏公乞米  
之帖互易楮毫燕市捉酒之場共數晨夕篇什具在日月  
可推事變相尋蹤跡偶闕然君既生還於西域余亦乞養  
於南陔幸得合并復尋歡會見君齒髮如故步履益強方  
謂

聖問屢勤

天寵行賁乃龍蛇之厄哲人其亡而風木之悲我辰安在

碑

三

衣蜉蝣其如雪蓐螻蟻而奚辭若君者本末無渝德行斯  
諒他日史官之筆書不朽者三今茲有道之碑能無愧者  
一而已

清故奉直大夫翰林院編修加三級洪君墓碑銘

通議大夫山東等處督糧道兼管德常臨濟倉事加三級同里孫星衍撰

洪編修與星衍生同里客同方先後同入詞館交凡三十年嘗言吾兩人誰後死作志銘者又戲言恐相狎相謗也今年夏得君子符孫書知君竟死矣痛之深因爲作傳其年十月孤館孫等仍請爲文表隧不可辭君姓洪氏諱亮吉字稚存先世出于唐監察御史宏察避孝敬諱改洪氏生起居舍人子興子興生宣歙觀察使經綸傳三十六世至封中憲大夫德健生山西大同府知府璟爲君曾祖祀名宦璟生贈承德郎考授直隸州同知公案爲君祖贅于趙氏始居常州生贈奉直大夫翹爲君父配贈太宜人蔣

碑銘

三

氏君六歲而孤母矢志守節三姊一弟寄居外家勤女紅以自給母督課君讀書甚嚴君少穎慧能爲詩古文邵編修齊燾主講毘陵君偕黃秀才景仁從之遊有時譽稱洪黃十八歲大母趙安人及祖父相繼下世君承重居廬杖而後起廿四歲入學爲附生謁安徽朱學使筠延之校文時幕下士多通儒邵君晉涵王君念孫汪君中俱以古經義小學相切礪所學日以進乾隆三十九年甲午科舉本省鄉試副榜時當道知君名多延校書授讀者遊道益廣四十一年十月母猝病卒君在浙江學使王文端杰幕得母病耗馳歸將至里而有以母死告者昏迷痛不得視含歛因落水爲汲者救得甦觀者稱爲孝子旣哭痛不欲生



不食者累日或喻以毀不滅性始進粥粒居喪務行古禮不入內不食肉飲酒三年如一日四十五年庚子科中北榜舉人五十五年庚戌科成進士殿試一甲二名授編修充國史館纂修官五十七年壬子科充順天鄉試同考官卽拜貴州學政之西

神銘

三

命君以古學教士黔省僻遠無書籍爲購經史通典文選等散置各府書院不數年所拔高才生多擢高第官臺閣者因奏陳灝注禮記孤陋宜以鄭康成注易之以試士格于部議嘉慶元年充咸安宮總裁在上書房行走三年正月大考翰林君爲征邪教疏指陳時弊閱卷者抑置三等會得仲弟凶耗引疾歸四年以保薦入都與修高宗純皇帝實錄教習庶吉士君在館撰著議依古史裁務簡約足明事體典同館諸公意不合旣擬假歸又感激

今

上大開言路翰林無奏事之責因陳時政數千言指斥故福郡王所過繁費致州縣虛帑藏以供億故相和珅擅權時有達官清選或執贄門下或屈節求擢官出使者凡羅列中外官罔上負國者四十餘人爲書分上成親王及朱文正珪劉相國權之進呈御覽有五十五

旨革職審擬君詞色不撓直陳無隱或詰以官無言責君曰庶人傳語況翰林乎王大臣等擬以大不敬律置重辟

奉

旨改發伊犂當是時滿漢大小官無知與不知皆慕君敢  
直言送行者接軫都門外將至戍所某將軍妄測  
聖意奏請俟君至斃以法先發後聞有

旨申飭不行五年四月京師亢旱

上祈求雨澤因命減釋軍流不得雨問朱相國珪奏稱安  
南黎氏二臣忠而久繫早儻在是釋之又不得雨  
上乃念君以直言獲罪立予釋回是日甘霖大沛

上信感應之速

御製得雨詩以記其事

導言納諫論言亮吉原書無違碍之句有愛君之誠實足

神錄

語

啓沃朕心弁將其書裝潢成卷常置座右以作良規以勸  
言事者毋因亮吉獲咎鉗口不敢復言君以六年歸至里  
門雖蒙編管江左名士過君講學問字者無虛日或有延  
君主講者盡心教士其學大行十二年常州旱荒饑民皇  
皇有司勘不成災不能入告君請于當道倡率士夫等捐  
資賑濟得銀十餘萬兩所活饑民數十萬他邑所無也卒  
于十四年五月十二日春秋六十有四君性伉直好善疾  
惡自稱不能容物慕古人節義事不喜胡廣中庸生平好  
學嘗引荀子言爲人戒有暇日經史丹黃手不停批凡注  
釋經史小學詩文雜著之類二百六十餘卷海內知名之  
士皆以識君爲幸登臨名勝窮極幽渺足跡幾徧岳瀆遊

幕所主皆一時名德不輕就人文有六朝體格詩似大謝  
及杜工部深嫉浮屠教文中未嘗用釋藏語年六十體氣  
壯盛同人望君起官有所建白以報前席之遇攫疾遽不  
起嗚呼哀哉妻蔣宜人廿三歲歸君親操作以事寡姑進  
以甘旨自啖糠竅不恥惡衣食歸甯與三姊居姊所嫁皆  
素封金珠耀首視之泊如也佐君之官善經理家政自奉  
儉約周恤戚黨無倦色方君遠戍子輩匿不以告將歸乃  
言之宜人驚悸成疾久之始安以嘉慶七年十月十九日  
先君卒得年五十有七先是君爲生曠先墓旁葬其妻其  
孤飴孫等乃以其年十二月廿四日窆君于武進縣德澤  
鄉前橋之塋弟霽吉官崇文門副使子飴孫嘉慶三年舉

碑銘

五

人 國史館膳錄官盼孫殤符孫國子監生俱嫡生肝孫  
齡孫母鄭氏女二長適江陰縣學生繆梓次字錢塘項光  
亨孫穀會凱會彪會序會銘曰

堯鼓舜木聖所資危言不死遇已奇惟陽感天澍雨施求  
忠移孝兩不虧著書萬卷放厥詞研經補史理地維登涉  
岳瀆窮西陲玉樓亟召騎箕歸我交于君曠世知大書無  
愧有道碑

張盤同人登春城  
八木工  
林

前翰林院編修洪君遺事述

同里  
惲敬

君諱亮吉字君直一字穉存唐宣歙觀察使宏經綸改姓洪氏子孫世爲歙人君曾祖璟大同知府祖公案候選直隸州州同養於武進趙氏武進後分陽湖君爲陽湖左廂花橋里人父翹國子監生母蔣氏君生六年而孤家貧苦身力學由縣學生充副榜貢生常橐筆游公卿間節所入以養母母卒君時客處州弟靄吉不敢訃爲書言母疾甚促君歸君亟行距家二十里舍舟而徒步度橋遇賃僕之父仇三問得家狀君號踊失足落水中流數里汲者見髮颺水上攬之得人有識君者共舁至家人之方甦君以不及視舍斂後遇忌日輒不食年三十五順天鄉試中式更十年爲乾隆五十五年會試中式賜第二人及第授編修充文穎館纂修官順天同考官督貴州學政貴州之士向經史之學爲歌詩有格法君有力焉

遺事

皇上嘉慶元年充

咸安宮官學總裁官旋奉

旨上書房行走君初第時大臣掌翰林院者網羅人才以傾動聲譽君知其無成欲早自異遂於

御試征邪教疏內力陳中外弊政發其所忌隨引弟靄吉之喪乞病假歸後

高宗純皇帝升遐座主朱文正公珪有書起之復入都供

職君長身火色性超邁歌呼飲酒怡然每興至凡朋儕  
所爲皆掣亂之爲笑樂而論當世大事則目直視頸皆發  
赤以氣加人人不能堪會有與君先後起官者文正公並  
譽之君大怒以爲輕己遂怏怏不樂君於是復乞病假行  
有日矣畱書上成親王并當事大僚言時事成親王  
以臣等

臣有

旨軍機大臣召問卽日覆奏落職交軍機大臣會同刑部  
治罪君就逮

西華門外都虞司羣議洵洵謂且以大不敬伏法君之友  
中書趙君懷玉見君縲纆藉臺坐大哭投於地不能言君

遺事

七

笑字謂趙君曰味辛今日見稚存死耶何悲也頃之承審  
大臣至有

旨毋用刑君聞宣感動大哭自引罪奏上免死戍伊犁明  
年

京師早

皇上下手詔赦君在戍所不及百日自君獲罪至戍還文  
正公常調護之君與文正各盡其道蓋如此十四年君以  
疾終於家年六十四君娶於母黨一子齡孫舉人候選知  
縣次符孫次胙孫次齡孫君學無所不窺詩文有逸氣所  
著左傳詁十卷比雅十二卷六書轉注錄八卷漢魏音四  
卷乾隆府廳州縣圖志五十卷二國疆域志二卷東晉十

六國疆域志六卷詩文集若干卷行於時

論曰敬與君同州君多遊四方未得見後敬居京師廢招  
提中君日哺攜大奴叩戶入日聞子居在此攜斗酒隻雞  
來飲食之不愈於他日酌墓地乎是年君官侍從數往來  
及出官貴州敬作縣江表至竟未一相遇然君於敬不可  
謂非深知異待也君之智力足以顛倒英豪激揚權勢獨  
於名義所在壹心專氣以必赴之此非經生文士之所能  
企逮而惜乎所見止於如此然君不遇

聖王受

殊恩非伏鎖臺街則襲棺絕域矣吾州多異才敬於君尤  
為惋歎焉

遺事

元

公餘雜記

本恩非伏鎖臺街則襲棺絕域矣吾州多異才敬於君尤  
為惋歎焉

聖王受

殊恩非伏鎖臺街則襲棺絕域矣吾州多異才敬於君尤  
為惋歎焉

公餘雜記

本恩非伏鎖臺街則襲棺絕域矣吾州多異才敬於君尤  
為惋歎焉

聖王受

殊恩非伏鎖臺街則襲棺絕域矣吾州多異才敬於君尤  
為惋歎焉

公餘雜記

本恩非伏鎖臺街則襲棺絕域矣吾州多異才敬於君尤  
為惋歎焉

原任翰林院編修洪君墓表

榮祿大夫兵部右侍郎無錫秦瀛撰

嘉慶四年陽湖洪君稚存方官翰林上書王大臣言事乞轉奏奏上

上命軍機大臣鞫問下於理擬重辟

上貫其死罪遣戍伊犁閱一年京師旱

特頒詔旨赦之還君歸又九年以疾卒于家年六十有四君諱亮吉初諱蓮又諱禮吉字君直一字稚存號北江晚號更生而稚存之名特著其先歛人遷常州武進今析治爲陽湖人曾祖璟拔貢生山西大同府知府崇祠名宦祖公宗國子生馳贈承德郎贅常州趙氏遂遷於常父翹國

墓表

无

子生累贈奉直大夫娶蔣氏贈宜人是爲君妣君生六歲而孤母蔣宜人僑居外家就塾讀書甚穎慧每夜蔣宜人親課之爲訓解字義於制舉文字外并好爲詩歌輒驚其老輩年二十四補縣學附生旋中本省鄉試副榜年三十五始中順天鄉試舉人又閱十年爲乾隆庚戌恩科成一甲第二名進士授編修壬子充順天鄉試同考官遽奉視學貴州之

命未散館而爲學政蓋前此所希有也君感激知遇期以文章報國悉心課士俾知學既事還

朝適楚黔有苗民之變尋教匪煽亂蔓延秦蜀會方大考翰詹等官試題爲征邪教疏君力陳內外弊政數千言慮

紙竟雙行書之

高宗純皇帝方欲用君而君仲弟霽吉之訃至君亟陳情  
移疾歸無何

先帝登遐君以奔

國喪詣京師時軍事孔棘

上焦勞特甚君遂有上書王大臣之事方君書上禍不測  
旁觀皆危之而

聖主鑒其惻忱卒用保全其出都門送者爭致饋遺爲泣  
下而君恬然遠行蓋亦知

上求言求治不久棄君於荒外而君之戀直得見宥於聖  
明實爲千古不易得之遭逢也君生平於學無不窺著述

墓表

三

甚多其刊行者有卷施閣集三十二卷更生齋集二十四  
卷三國東晉十六國疆域志二十三卷乾隆府廳州縣圖  
志五十卷喜遊覽所志名山水多見於其詩又天性過人  
事母蔣宜人至孝母歿君方在處州家人先以病告歸過  
郡城之八字橋得凶問失足墮河幾死篤愛其弟存歿無  
間娶蔣氏封宜人有婦行先卒子館孫舉人符孫胙孫麟  
孫女二嫁娶皆士族孫毅會宛會凱會彪會序會孫女一  
君以嘉慶十四年五月十二日卒以是年十二月二十四  
日葬於武進縣德澤鄉前橋祖塋之昭其同年友無錫秦  
瀛爲之表其墓

會孫用勳校刊



